



C40
4514
(129)



C40-4514

了翁上座請天藏及同
家書置之武州紫雲山
杖微笑塔院厦府中永
為學者不敢許出院內
當山二世鐵牛機謹誌



B 64853

成唯識論俗詮卷第九

天護

親 菩 薩 造 頌

法 等 菩 薩 造 論

唐三藏法師玄奘奉詔譯
明 西蜀沙門明显俗詮

科從七卷中答外問分五。一假說我法。二種種分
別。三生死相續。四經說三性。八卷竟。此五法無自
性分三。一牒義標問。

若有三性。如何世尊說一切法皆無自性。

若有三性者。牒大乘不離唯識立二種性正義。如

何下是難詞。○一牒義標問竟。下二舉前八句頌
總答。以後四句頌屬顯性唯識分故。

頌曰 卽依此三性 立彼三無性 故佛密意說

一切法無性 初卽相無性 次無自然性

後由遠離前 所執我法性 此諸法勝義

亦卽是真如 常如其性故 卽唯識實性

前四句正答問意。謂佛說無自性者卽依此徧計

等三性立彼三種無性。故佛世尊密意說彼一切

諸法皆無自性。言密意者但是言陳未申意許。中

四句釋立三無性義。謂依徧計所執性立相無自

性。性由彼體相畢竟非有。如虛空華繩上蛇故。次

依依他起性立生無自性。此如幻事託衆緣生

無如妄執自然性故。後依圓成實性立勝義無自

性。性謂卽勝義由遠離前徧計所執我法性故。又

言由遠離前者是離依他起。遠離所執我法者是

離徧計執。言性者顯是圓成。故下文云非性全無

後四句頌唯識性。故基法師分爲顯性唯識分。○

二舉頌總答竟。下三解釋頌意分四。一總釋頌意

論曰。卽依此前所說三性立彼後說三種無性。謂卽

相生勝義無性。故佛密意說一切法皆無自性。非性

全無說密意言顯非了義謂後二性雖體非無而有
愚夫於彼增益妄執實有我法自性此卽名爲徧計
所執爲除此執故佛世尊於有及無總說無性。

總釋前八句頌謂卽相生勝義無性者釋總立彼
三無性義相卽虛妄徧計之相立相無性生卽依
他從緣生故立生無性勝義卽圓成二空所顯故
立勝義無性以佛密意說立彼三種皆無自性非
性全無者謂依他是如幻有圓成是勝義有此二
性非謂全無但徧計是愚夫妄執決定非有爲破
彼故總說爲無說密意下釋上非性全無以顯密

意是非了義於有及無總說無性者依圓是有徧
計是無○一總釋頌意竟下二問荅別明。

云何依此而立彼三謂依此初徧計所執立相無性
由此體相畢竟非有如空華故依次依他立生無性
此如幻事託衆緣生無如妄執自然性故假說無性
非性全無依後圓成實立勝義無性謂卽勝義由遠
離前徧計所執我法性故假說無性非性全無如太
虛空雖徧衆色而是衆色無性所顯雖依他起非勝
義故亦得說爲勝義無性而濫第二故此不說。

問荅以明立三無性義也立相無性是顯了說故

云畢竟非有。立生無性是密意說。故云非性全無。立勝義無性亦密意說。故亦云非性全無。問太虛喻圓成衆色。喻依他喻中衆色無性所顯太虛。法上應說依他無性顯圓成實。何言勝義無性耶。答云。雖依他起非是勝義。亦得說爲依他無性。以顯勝義。而濫第二故。此不說依他無性。唯說勝義無性。以第二依他自無性故。○二問答別明竟。下二別釋前科。通上第二依教廣成分下。前二十四頌名辯相唯識分竟。二十五頌名顯性唯識分。卽此別釋前科義也。

此性卽是諸法勝義。是一切法勝義諦故。然勝義諦略有四種。一。世間勝義。謂蘊處界等。二。道理勝義。謂苦等四諦。三。證得勝義。謂二空真如。四。勝義勝義。謂一真法界。此中勝義依最後說。是最勝道所行義。故爲簡前三故。作是說。此諸法勝義。亦卽是真如。

言此性者是牒頌中上文云。後由遠離前所執我法性之性字。以顯唯識性義。故云是一切法勝義諦故。然勝義下釋勝義別分四種。言勝義者。簡於世俗。今先明世俗亦有四種。一。世間世俗。亦名假名無實諦。謂瓶盆軍林等。但有假名。而無實體。二。

道理世俗亦名隨事差別諦謂蘊處界等隨彼彼
事立蘊等法。三證得世俗亦名方便安立諦。謂預
流等於苦集等由證得理而安立故。四安立世俗
亦名假名非安立諦。謂二空理依彼空門說爲真
性。由彼真性內證智境不可言說名二空理但假
說故勝義四者一世間勝義宗鏡云體用顯現諦
謂蘊處界等有實體用過初世俗說名勝義。隨事
差別說名蘊等故名顯現。二道理勝義宗鏡云因
果差別諦謂苦集等智斷證修因果別故。三證得
勝義宗鏡云依門顯實諦謂二空理過俗證得故

名勝義。依空能證以顯於實故名依門。四勝義勝
義宗鏡云廢詮談旨諦謂一實真如體妙離言已
名勝義又真不自真待俗故真即前三真亦說爲
俗俗不自俗待真故俗即後三俗亦名爲真。至理
冲玄彌驗於此。此中下結顯勝義不依前三。故說
真如。即諸法性。前三即世間道理證得。三勝義。
後三即道理證得安立。三世俗。

真謂真實。顯非虛妄如謂如常表無變易謂此真實
於一切位常如其性故曰真如。即是湛然不虛妄義
亦言顯此復有多名。謂名法界及實際等。如餘論中
隨義廣釋。此性即是唯識實性。謂唯識性略有二種

一者虛妄謂編計所執。二者真實謂圓成實性。爲簡虛妄說實性。言復有二性。一者世俗謂依他起。二者勝義謂圓成實。爲簡世俗故說實性。

真謂下釋上真如二字。卽是勝義真實名故。亦言下復釋頌中亦字。爲顯勝義不但名真如。亦有法界實際等名。如餘論中廣釋。此性下釋成實性。卽唯識性。故於前後二種義中。簡別虛妄及世俗有。

○三別釋前科竟。下四結非了義。
一頌總顯諸契經中說無性言非極了義。諸有智者不應依之總揅諸法都無自性。

結警無犯以防空見耳。謂前二頌雖言密意尚未極成。以後一頌明唯識性。卽諸法體知無性言誠非了義。○四結非了義竟。通上二顯性唯識分竟。下三行位唯識分分二。一問答總明。

如是所成唯識相性。誰於幾位如何悟入。謂具大乘二種性者。略於五位漸次悟入。何謂大乘二種種性。一本性住種性。謂無始來依附本識法。衆所得無漏法。因二習所成種性。謂聞法界等流法。已聞所成等熏習所成。要具大乘此二種性。方能漸次悟入唯識。如是所成唯識相性者。結前所明二種能變及見。

相等種種所變是唯識相。諸法勝義及真如等。是唯識性。誰於下。正是問詞。謂何等人於幾位中。如何悟入唯識相。性謂具下論主。如次答上三種問意。何謂下外人復問。答中一本性住種性之性。當作姓。性者體也。姓者類也。若本有體性。安住菩薩種類。姓故。若本無體性。聞大乘法。熏成大乘種類。姓故。問何等人名為具本性住種姓人。答外凡人是。何名外凡。曰雖具此性。未發堅固大菩提心。名外凡位。問何等人名為具習所成種姓人。答內凡人是。何名內凡。曰此性定在發心已後。約初入劫。

名內凡位。云何入劫。謂發心後修十千劫。方入十信。言入劫者。乃三僧祇之初。首名為入劫。問具此二性。當幾類人。答定性菩薩。二乘迴心。問二乘五果迴心。向大及頓悟人。至初入劫。修習劫數。同別多少。答下從初果。上至五果迴心。向大。至入劫位。乃經入萬六萬四萬二萬十千劫。至資糧初。頓悟發心。亦十千劫。至資糧初。問何故初果劫多。五果劫少。答煩惱有無。修證多少。故今云本性住種性者。是諸有情。性分自有成佛種子。故云法念所得無漏法。因習所成者。謂諸有情。聞大乘法。熏習成。

故要具下結答問意。

何謂悟入唯識五位。一資糧位。謂修大乘順解脫分。二加行位。謂修大乘順決擇分。三通達位。謂諸菩薩所住見道。四修習位。謂諸菩薩所住修道。五究竟位。謂住無上正等菩提。

何謂下問所入位。何名爲五。一資糧下釋五位名義。此位菩薩已具二種種姓。發大菩提心。勤修六種殊勝妙行。名資糧位。真見道後。斷盡煩惱種子。證解脫果。名解脫道。此中雖非真見道。及斷煩惱。於修大乘資糧時。意在取果。故名順解脫分。以近

見道伏除。二取故名加行。真見道後。決擇所知障。種名決擇分。此中雖非真見道。而加行時。亦能決擇分別二障。故名順決擇分。得真見道。能所平等。善達法界。故名通達。以無分別智。斷所知障。種種唯識性。故名修習。諸漏永盡。非漏隨增。性淨圓明。故名究竟。

云何漸次悟入唯識。謂諸菩薩於識相性資糧位中。能深信解。在加行位。能漸伏除所取能取。引發真見。在通達位。如實通達。修習位中。如所見理。數數修習。伏斷餘障。至究竟位。出障圓明。能盡未來。化有情類。

復令悟入唯識相性

問答以明悟入唯識漸次。謂諸菩薩於資糧位能深信解唯識相性非染非淨。於加行位能漸伏除唯識相性上能取所取。在通達位如實通達唯識相性體卽真如。修習位中如前所見唯識相性之理數數修習。至究竟位唯識相性出障圓明。復化有情悟入唯識相性。○一問答總明竟。下二依位別釋分五。一資糧位分三。一牒科標問。初資糧位其相云何。

瑜伽云云何菩提資糧略有二種。一者福德。二者

智慧略說福卽三波羅密多。謂施戒忍智卽一波羅密多。謂般若精進靜慮各通福智。雜集云何等資糧道。謂諸異生所有尸羅守護根門飲食知量初夜後夜常不睡眠勤修正觀正知而任。○一牒科標問竟。下二舉頌總答。

頌曰 乃至未起識 求住唯識性

於二取隨眠 猶未能伏滅

前二句頌資糧位分際。謂從初發心乃至未起加行時名資糧位。後二句頌此位中功行。謂此位中雖欲求證唯識性而無伏滅二取功能。言一取者

謂名言取我執取卽是所知煩惱二障。○二舉頌
總答竟下三解釋頌意分三。一釋前二句。

論曰從發深固大菩提心乃至未起順決擇識求住
唯識真勝義性齊此皆是資糧位攝。爲趣無上正等
菩提修習種種勝資糧故。爲有情故勤求解脫。由此
亦名順解脫分。此位菩薩依因善友作意資糧四勝
力故於唯識義雖深信解而未能了能所取空多住
外門修菩薩行。

論曰下釋資糧位分際順決擇者加行位也。謂從
發心到加行邊是資糧位。爲趣下釋立解脫名。正

等菩提者究竟位中極果也。勝資糧者六度所攝
福智二事也。爲求此果修習資糧益自身故。爲有
情故勤求解脫者菩薩發心不同二乘樂獨善寂
取證涅槃。今此菩薩依解脫果伏斷煩惱入我空
觀已發大心度有情故解脫果者涅槃果也。煩惱
解脫而證得故。此位菩薩雖未證得亦依彼修故
名爲順。此位下釋功行攝論云能悟入中大乘多
聞熏習相續此乃因力也。已得奉事無量諸佛出
現於世卽善友力。已得一向決定勝解非諸惡友
所能動搖名作意力。謂由三力已善能積集諸善

根等。名資糧力。又菩提心爲因。菩薩爲友。勤求佛果爲作意。六度爲資糧。言能取者卽能緣之心也。所取者卽所緣之境也。能取有二。一名言取卽所知障。二我執取卽煩惱障。隨眠卽二障種子。外門卽散心。外行未能得定。故論云。此位菩薩依四勝力於唯識義。雖深信解。由未了達。能所取空。多在。外門修有漏行。故於二取種子。未有伏滅。定力而不能使彼不起現行耳。○一釋前二句。竟下二釋後二句。

故於二取所引隨眠。猶未有能伏滅功力。令彼不起。

二取現行。此二取言顯。二取取。執取能取所取性。故二取習氣名彼隨眠。隨逐有情眠伏。藏識或隨增過。故名隨眠。卽是所知煩惱障種。

故於下牒前二句中義。猶未下。發起解第三句義。此二下釋頌中二取隨眠。是所知煩惱障種。此二取言顯。二取取者。謂名言取。我執取爲能取。見分相分爲所取。故云執取能取所取性。故二取下釋隨眠。或隨增過者。隨有種子增長現行。行過失。故煩惱障者。謂執徧計所執實我薩迦耶見。而爲上首。

百二十八根本煩惱及彼等流諸隨煩惱。此皆擾惱。

有情身心能障涅槃名煩惱障所知障者謂執偏計所執實法薩迦耶見而爲上首見疑無明愛恚慢等覆所知境無顛倒性能障菩提名所知障。

釋煩惱障卽是所執實我云何百二十八根本煩惱頌曰根本煩惱貪等十欲界四諦各具十於上二界各除瞋七十二合百十二謂貪等十煩惱欲界四諦各具十種共有四十上二界除瞋入諦各九有七十二共前四十爲百一十二此皆見道所斷於迷諦時是分別起各別取數若修道斷者是俱生感於迷諦時任運堅固唯取三界總數頌云

修道再除疑三見欲界總加六數美上二除瞋各有五百二十八頭頭現謂欲界中除去疑及邪見二取四數唯有六數上二界中又各除瞋一界唯五總合十六共前見所斷惑有百二十八數此是見修所斷根本煩惱亦各有隨惑故云及彼等此皆下釋名煩惱義所知障卽是所執實法清涼大師云若見疑無明愛恚慢等辯出頭數與煩惱同煩惱障麤有多品類二乘所斷唯是不善有覆性故以數來顯今所知障細無多品類唯菩薩斷亦是異熟無記性攝故不顯數又顯法執無明唯一

住地。名不染汚。不同煩惱。四住地攝。故不顯數。言慢等者。亦等隨惑。言所知境者。卽有爲無爲。言無顛倒性者。卽真如理。

此所知障決定不與異熟識俱。彼微劣故。不與無明慧相應。故法空智品與俱起。故七轉識內隨其所應。或一或多。如煩惱說。眼等五識無分別故。法見疑等定不相應。餘由意力皆容引起。此障但與不善無記二心相應。論說無明唯通不善無記性。故癡無癡等。不相應。故煩惱障中。此障必有。彼定用此爲所依。故體雖無異。而用有別。故二隨眠隨聖道用有勝有劣。

斷惑前後

論與八識相應。唯第八識體性微劣。不與無明慧心所俱。故所知障決不相應。轉法空智與第八俱。或少或多。如煩惱說者。第七所知唯是俱生根隨。染惑亦但十二故名爲少。第六所知兼通分別根。隨煩惱總二十六。故名爲多。應知二障皆是染所執。我執法義有別。故眼等五識無分別故。雖有二障不起。二執法見疑等者。法卽法執。見疑等者。卽七根本并十小隨俱有。分別與五定不相應。餘由意力皆容引起者。謂貪瞋癡及中大隨五識。雖具

由同時意識所引生故。此障下論通三性。以所知障與無明俱。非善性故。煩惱下。會通二障體同用別。前後斷者。謂此二障俱以慧爲性。故曰體同。執我執法。故曰用別。先斷煩惱。後斷所知。故有前後。此於無覆無記性中。是異熟生。非餘三種。彼威儀等。勢用薄弱。非覆所知障。菩提故。此名無覆望二乘說。若望菩薩。亦是有覆。若所知障。有見疑等。如何此種契經說爲無明住地。無明增故。總名無明。非無見等。如煩惱種立見一處欲色。有愛四住地名。豈彼更無慢無明等。如是二障分別起者。見所斷攝。任運起者。

修所斷攝。二乘但能斷煩惱障。菩薩俱斷。永斷二種。唯聖道能伏。二現行。通有漏道。

會通四種無記。謂所知障與六七俱。六七又依異熟識起。名異熟生。故於四中。唯屬異熟生。無記非餘。威儀工巧變化。三無記。問前說此障覆所知境。何名無覆無記性。答名無覆者。望二乘說。唯斷煩惱不障彼智。若望菩薩。亦是有覆。障彼智故。若所知下。問謂所知障有見疑等多種煩惱。經何說唯無明住地。無明下。答隨增勝說。非無見疑等。如煩惱下。例明四住地者。謂見一切住地。欲愛住地。色。

愛任地有愛任地。如是下會通見修及漏無漏斷
伏別義。二乘但斷煩惱者樂獨善寂故。菩薩俱斷
二種者發大心故。伏二現行通有漏者煩惱地前
伏所知七地伏。○二釋後二句竟。下三別釋解行。
菩薩住此資糧位中。二麤現行雖有伏者。而於細者
及二隨眠止觀力微。未能伏滅。此位未證唯識真如。
後勝解力修諸勝行。應知亦是解行地攝。所修勝行
其相云何。略有二種。謂福及智。諸勝行中慧爲性者
皆名爲智。餘名爲福。且依六種波羅密多通相。皆二
別相前五說爲福德。第六智慧。或復前三唯福德攝。

後一唯智餘通二種。

謂我法執分別現行有麤。有細。資糧位中唯伏麤
現細及俱生止觀力微。未能伏滅。故頌云猶未能
伏滅。後勝下謂此位時長。雖分前解後修。總是解
行地攝。以攝大乘論約三僧祇。唯立四位。前一僧
祇名解行地。解攝資糧行攝加行。故云後勝解力
修諸勝行。以一解行攝二位故。所修下問修勝行
以何爲相。答中謂福與智是此行相。且依下以六
度分屬福智。若論通相。六度皆通福智二種。若論
別相。前五通福。第六唯智。或復下又以前三爲福。

後一唯智精進禪定福智俱通

復有二種謂利自他所修勝行隨意樂力一切皆通自他利行依別相說六到彼岸菩提分等自利行攝四種攝事四無量等一切皆是利他行攝如是等行差別無邊皆是此中所修勝行。

異前福智復明二種謂自他行亦有通別如論自釋四攝事者布施愛語利行同事四無量者慈悲喜捨如是下結成勝行。

此位二障雖未伏除修勝行時有三退屈而能三事練磨其心於所證修勇猛不退一聞無上正等菩提

廣大深遠心便退屈引他已證大菩提者練磨自心勇猛不退二聞施等波羅蜜多甚難可修心便退屈省已意樂能修施等練磨自心勇猛不退三聞諸佛圓滿轉依極難可證心便退屈引他麤善况已妙因練磨自心勇猛不退由斯三事練磨其心堅固熾然修諸勝行。

總標此位有三勇猛文中別釋一聞下謂聞菩提卒難得證心便退屈於退屈時引已證者練磨自心勇猛不退偈云十方世界諸有情念念速證善逝果彼既丈夫我亦忝不應自輕而退屈二聞下

謂六波羅密甚難修。故心便退。屈於退。屈時省察。先已得此殊勝。意樂能行。施等練磨。自心勇猛。不退。謂由得此殊勝。意樂施等。波羅密多。任運而轉。頌云。汝昔惡道。經多劫。無益勤苦。尚能超。今行少。行得菩提。大。利。不應生退。屈。三。聞。下。謂。佛。轉。依。難。可。證。故。心。便。退。屈。於。退。屈。時。引。他。麤。淺。微。因。小。善。况。已。六。度。勝。大。妙。因。練。磨。自。心。勇。猛。不。退。頌。云。博。地。一。切。諸。凡。夫。尚。擬。遠。證。菩。提。果。汝。已。勤。苦。經。多。劫。不。應。退。屈。却。沉。淪。○三。別。釋。解。行。竟。通。上。一。資。糧。位。竟。下。二。加。行。位。分。三。一。牒。科。標。問。

次加行位其相云何

雜集云。何等加行道。謂已積集資糧道者。所有順。決。擇。分。善。根。謂。煖。法。頂。法。順。諦。忍。法。世。第。一。法。云。何。煖。法。謂。各。別。內。證。於。諸。諦。中。明。得。三。摩。地。鉢。羅。若。及。彼。相。應。等。法。云。何。頂。法。謂。各。別。內。證。於。諸。諦。中。明。增。三。摩。地。鉢。羅。若。及。彼。相。應。等。法。云。何。順。諦。忍。法。謂。各。別。內。證。於。諸。諦。中。一。分。已。入。隨。順。三。摩。地。鉢。羅。若。及。彼。相。應。等。法。云。何。世。第。一。法。謂。各。別。內。證。於。諸。諦。中。無。間。心。三。摩。地。鉢。羅。若。及。彼。相。應。等。法。○一。牒。科。標。問。竟。下。二。舉。頌。總。答。

頌曰

現前立少物

謂是唯識性

以有所得故

非實在唯識

前二句頌此位中行相少物卽帶相觀心若謂此
心是唯識性故以後二句頌破之○二舉頌總答
竟下三解釋頌意分四一通釋加行分二一總釋
名

論曰菩薩先於初無數劫善備福德智慧資糧順解
脫分既圓滿已爲入見道住唯識性後修加行伏除
二取謂煖頂忍世第一法此四總名順決擇分順趣
眞實決擇分故近見道故立加行名非前資糧無加

行義

菩薩下結前資糧位中義爲入下正釋立名旣名
加行而又名順決擇者以眞決擇在見道後卽擇
法智也決簡疑品擇簡見品疑則擇而不決以猶
豫故見則決而不擇非正見故若得正智二義皆
具今此位中雖非親證眞決擇智而能發起四尋
思智歷觀名義自性差別之境亦是依彼決擇智
修故名順決擇分已得一分決擇義故餘如文釋

○一總釋名竟下二別釋義

煖等四法依四尋思四如實智初後位立四尋思者

尋思名義。自性差別。假有實無。如實遍知。此四離識。及識非有名如實智。名義相異。故別尋求。二二相同。故合思察。

初後建立者。尋思爲初。故立煥頂。實智爲後。故立忍位。及世第一。攝論六卷云。依如先說。爲悟入具發起。如實所作。方便因相。說名尋思。了知假有實無。所得決定。行智方便。果相名如實智。四尋思者。謂尋思名。尋思義。尋思自性。尋思差別。四如實智者。謂名等四法。依識現起。若離識時。不但非有所現。四法能現。本識亦非有故。如此徧知名如實智。

名義相異。故別尋求者。攝論云。此中名者。謂色受等。亦攝名。因名果句等。尋思此名。唯意言性。義尋思者。如名身等。所詮表得。蘊處界等。推求此性。唯假非實。二二相同。故合思察者。上二字。卽名與義。下二字。卽自性差別。謂名與義。各有自性。差別二。相若知名之自性。差別是非實有。則知義之自性。差別亦是假立。故云合思。瑜伽云。於彼名義。或離相觀。或合相觀。依止名義。合相觀。故通達二種自性假立。差別假立。

依明得定。發下尋思觀。無所取立。爲煥位。謂此位中。

創觀所取名等四法皆自心變假施設有實不可得
 初獲慧目前行相故立明得名卽此所獲道火前相
 故亦名煖依明增定發上尋思觀無所取立爲頂位
 謂此位中重觀所取名等四法皆是心變假施設有
 實不可得明相轉盛故名明增尋思位極故復名頂
 先釋煖位攝論云明謂能照無有義智所求果遂
 故名爲得此定創得無義智明故得明得三摩地
 下尋思者初獲方便故謂此下釋無所取故云實
 不可得初獲下釋明得名卽此下釋名煖位攝論
 云譬如鎖火煖爲前相依明下釋成頂位明相轉

增故名明增重發方便名上尋思餘義俱如前釋
 依印順定發下如實智於無所取決定印持無能取
 中亦順樂忍旣無實境離能取識寧有實識離所取
 境所取能取相待立故印順忍時總立爲忍印前順
 後立印順名忍境識空故亦名忍依無間定發上如
 實智印二取空立世第一法謂前上忍唯印能取空
 今世第一法二空雙印從此無間必入見道故立無
 間名異生法中此最勝故名世第一法

先釋忍位印前順後名印順定初獲智果名下如
 實智於無所取決定印持者以此忍智印前二位

所取境空無能取中亦順樂忍者卽以忍智順後
能取識亦得空既無下釋上二空義印順下釋立
印順及忍位名依無下釋世第一位由此見道名
無間定二空雙印名上如實智此法最勝故名第
一
如是煖頂依能取識觀所取空下忍起時印境空相
中忍轉位於能取識如境是空順樂忍可上忍起位
印能取空世第一法雙印空相

總釋四位謂前二位但觀境空不能印境以無智
故忍位有二下忍印境中忍順識上忍印識三忍

印順俱各別故唯世第一境識雙印忍各別者有
三品故下品名印忍印所取無故中品名樂順樂
無能取順修彼故上忍名印順印能取無順觀彼
故故論云印順忍時總立爲忍印順俱定名印順
定忍卽智也○二別釋義竟通上一通釋加行竟
下二正釋頌意

皆帶相故未能證實故說菩薩此四位中猶於現前
安立少物謂是唯識真勝義性以彼空有二相未除
帶相觀心有所得故非實安住真唯識理彼相滅已
方實安住依如是義故有頌言菩薩於定位觀影唯

是心。義想既滅。除審觀唯自想。如是任內心。知所取非有。次能取亦無。後觸無所得。

皆帶相。故未能證實者。結前四種加行俱有所得。故說下。正釋頌意。猶於下釋第一句。心上變如名爲少物。謂是下釋第二句。以彼下釋第三句。非實下釋第四句。彼相滅已。方實安住者。謂過此位卽入見道。實證真如。依如下引證。前二句總頌四種加行。帶相觀心。攝論云。定所行影。唯是內心。如經云。我說識所緣。唯識所現。故次二句。總頌煥頂二位。觀所取空。攝論云。謂審觀察如是。似法似義。唯

我定心之所變現。次三句。別頌忍及世第一位。雙印能所攝論云。謂先已了所取是無。如所取性。既無。所有所取上能取之性。亦不得成。最後一句。卽上彼相滅已。方實安住之義。此卽見道證唯識。故攝論云。謂從此後證無二性所得真如。○二正釋頌意。竟。下三別釋行相。

此加行位。未遣相縛。於麤重縛亦未能斷。唯能伏除分別二取。違見道。故於俱生者及二隨眠。有漏觀心。有所得。故有分別。故未全伏除。全未能滅。此位菩薩。於安立諦。非安立諦。俱學觀察。爲引當來二種見。故

及伏分別二種障故。非安立諦是正所觀。非如二乘唯觀安立。

釋此位中斷障行相。未遣相縛者。以有觀影故。麤重即分別惑種。唯伏除者。未得永斷故。與見道相違。於俱生下。釋未伏滅。此位下。釋此位中學觀行相。大論云。諦有二種。一安立諦。謂四聖諦。二非安立諦。謂真如。菩薩雖通用二種。為所行境。而非安立諦。是正所觀。以未至通達位。如理作意思惟。真實但見真如相。不見實真如。故非安立諦名非觀真如。○三別釋行相。意下。四別釋界地。

菩薩起此煥等善根。雖方便時通諸靜慮。而依第四方得成滿。託最勝。依入見道故。唯依欲界善趣身起。餘處厭心非殊勝故。此位亦是解行地攝。未證唯識真勝義故。

釋修加行能入見道。煥等善根。四加行也。方便時

者。七方便也。七方便者。一五停心。謂多貪者作不淨觀。多瞋者作慈悲觀。多癡者作十二因緣觀。著我者作界分別觀。尋思者作息想。觀者作心法。四二別想念。謂

受心法。四三總想念。即上四法。總是無常。皆空。無我。各總想念。四煥位。

五頂位。六恐位。七世第一法。第四成滿者。將入見道。必託第四捨念清淨地。為最勝依故。唯依下釋。

初起四加行界趣。此位下結成二位唯一地義。謂攝論中唯立四位。資糧加行合爲解行地故。○四別釋界地竟。通上二加行位竟。下三通達位分三。一牒科標問。

次通達位其相云何。

雜集云何等見道。若總說謂世第一法無間無所得。三摩地鉢羅若及彼相應等法。又所緣能緣平等平等智爲其相。又遣各別有情假法假遍遣二假所緣法智爲相。若別說見道差別謂世第一法無間苦法智忍苦法智苦類智忍苦類智集法智

忍集法智。集類智忍集類智。滅法智忍滅法智。滅類智忍滅類智。道法智忍道法智。道類智忍道類智。如是十六忍智是見道差別相。○一牒科標問竟。下二舉頌總答。

頌曰

若時於所緣

智都無所得

爾時住唯識

離二取相故

前二句謂菩薩得真見道時於所緣境及無分別智俱無所得。後二句謂菩薩得住唯識真實性者。遠離能所二取相故。○二舉頌總答竟。下三解釋頌意分七。一總釋頌意。

論曰若時菩薩於所緣境無分別智都無所得不取種種戲論相故爾時乃名實在唯識真勝義性卽證真如智與真如平等平等俱離能取所取相故能所取相俱是分別有所得心戲論現故

若時下釋前二句爾時下釋後二句智與真如平等平等者以離能所故故云能所取相皆是戲論有所得心○一總釋頌意竟下二執辯二分

有義此智二分俱無說無所取能取相故有義此智相見俱有帶彼相起名緣彼故若無彼相名緣彼者應色等智名聲等智若無見分應不能緣寧可說爲

緣真如智勿真如性亦名能緣故應許此定有見分初義謂無二分理未正故次義謂有二分義亦未正有二不成唯識義也帶彼相下破無相分難以色智名聲智者以無所緣智無別故若無見下破無見分謂若無見分應不能緣境聖教寧說緣真如智智卽見分真如卽境若無見分豈真如爲境又名能緣故應許有見分

有義此智見有相無說無相取不取相故雖有見分而無分別說非能取非取全無雖無相分而可說此帶如相起不離如故如自證分緣見分時不變而緣

此亦應念變而緣者便非親證。如後得智應有分別。故應許此有見無相。

此義正理許有見分顯唯識義。雖有下釋有見分。雖無下釋無相分。以真如境不離本智故說挾帶真如相起無外相分。如小乘正量部立相分師造謗大乘論七百偈破古大乘師所緣緣義云。汝若言已相是相分將爲所緣者。且如汝大乘宗無分別智緣真如時不帶起真如相分。以無分別智自不變帶真如相。其真如望能緣智見分應無所緣緣義。必若言本智緣如亦有相分者。卽違汝自宗一切經論如何。

會通。古大乘師被此一難當時絕救。吳大師救云。我宗大乘解帶有二義。一者變帶。二者挾帶。若變帶者卽變帶似質之已相起。是相狀之相。今根本智緣如時卽無。若挾帶者卽有。根本智親挾帶真如體相而緣更不變相分。故成所緣緣也。如自證下喻明上義。謂同體自證分緣見分時親挾帶見分是親所緣。喻根本智緣真如境亦是挾帶親所緣義。變而下顯非根本。故說如後得應有分別。故以疎所緣必託本質分別變故。○二執辯二分竟。下三通結二名。

加行無間此智生時體會真如名通達位。初照理故亦名見道。

釋此位中立二種名。此智卽根本智。不離真如。旣得智生。卽會真如。故名通達。真如卽理。以初照理復名見道。○三通結二名竟。下四廣明見道。

然此見道略說有二。一真見道。謂卽所說無分別智。實證二空所顯真理。實斷二障分別隨眠。雖多剎那事方究竟而相等。故總說一心。有義此中二空二障漸證漸斷。以有淺深麤細異故。有義此中二空二障頓證頓斷。由意樂力。有堪能故。

總標二種文中別釋。無分別智卽根本智。非從外得。故名根本。實證真理者。十真如中。分證一種也。實斷隨眠者。永斷分別種子也。雖多下。謂見道時。雖說一心。而由四道。方能親證。謂加行道。一剎那修。於無間道。一剎那見。勝進道中。一剎那入。解脫道中。一剎那證。故說多剎那。事方究竟。而真如相等。總說一心。初義下。說由相入。真故。有漸次。麤淺卽相見道。斷我執。證人空。深細卽真見道。斷法執。證法空。次義下。說真不復相。一斷永斷名真見道。由意樂力。有堪能。故者。意樂卽願樂也。此顯欲證

卽證無漸次故。二義雖別俱不違理。

二相見道此復有二。一觀非安立諦有三品心。一內遣有情假緣智能除。二內遣諸法假緣智能除。中品分別隨眠。三遍遣一切有情諸法假緣智能除。一切分別隨眠。前二名法智各別緣故。第三名類智總合緣故。法真見道。二空見分自所斷障。無間解脫別總建立名相見道。有義此三是真見道。以相見道緣四諦故。有義此三是相見道。以真見道不別緣故。

復開二種文中別釋。觀非安立諦者不緣四諦唯

以三品心觀察也。有情卽所遣人執。假緣智卽能遣之心。人羸身斷故名軟品。卽下品也。諸法卽法執。法細於人故名中品。言遍遣者總收前二爲第一三心。故結云前二名法智各別緣故。以名法者各別數也。第三名類智總合緣故。以名類者是同類義。法真下釋立相見道名。法者取法之義。清涼大師云。倣學爲義。問真見道中有相見二分。何以但言法真見道之見分耶。答真見道中雖有二空自證而見分親緣真如所以法之。然見分中有無間解脫二道隨斷。二障隨證。二空各有二見分。無間

道中斷惑別故人法二見分各別法之立前二心
解脫道中證理同故人法二見分。總合法之立第
三心故云別總建立名相見道。初義未正。謂此三
心是真見道。次義正理。謂三品別緣是相見道。

二緣安立諦有十六心。此復有二。一者依觀所取能
取別立法類十六種心。謂於苦諦有四種心。一苦法
智忍。謂觀三界苦諦真如正斷三界見苦所斷二十
八種分別隨眠。二苦法智。謂忍無間觀前真如證前
所斷煩惱解脫。三苦類智忍。謂智無間無漏慧生。於
法忍智各別內證。言後聖法皆是此類。四苦類智。謂

此無間無漏智生。審定印可苦類智忍。如於苦諦有
四種心。集滅道諦應知亦亦。此十六心。八觀真如。八
觀正智。法真見道無間解脫。見自證分差別建立名
相見道。

此中總標緣安立諦復開二種文中別釋。一者下
標數所取。卽真如。能取卽正智。言法類者法卽現
法各別義也。類卽種類。卽同現法種類性故。謂於
下釋成苦法智忍者。忍是勝解。卽智之因。謂於現
法。正智勝解現觀真如。能斷煩惱而未能證解脫
實智故云謂觀等。二十八種分別隨眠者欲界苦

諦具十煩惱。色無色界除瞋各九共二十八。苦法智者智卽印持是忍之果。由前忍故此智現前。智現前故觀前真如證前解脫故云謂忍等。苦類智忍者類卽同類。謂苦法智無間卽有無漏勝解慧生名苦類智忍。於法忍智各別內證者以此類忍證法忍。通後類智證法智故云。言後聖法皆是此類。謂後聖法依止前法卽後類智類此忍故。顯揚論云前爲後後之所依止故亦名類。四苦類智同前類忍。謂前第三智忍無間卽有第四無漏智生。審定印可第三智忍。如於下結成十六種心。八觀

真如卽是八忍。八觀正智卽是八智。忍能斷惑。智能證果。故有前後。又云。四法忍斷惑。四法智證果。四類忍證法忍。法智。四類智證類忍。法真。下釋立相見道名。此亦取法真見道見分自證分差別建立相見道名無間斷惑卽前法忍法智於真見分各別法之解脫證理卽後類忍類智於真自證分差別法之。

二者依觀下上諦境別立法類十六種心。謂觀現前不現前界苦等四諦各有二心。一現觀忍。二現觀智。如其所應法真見道無間解脫見分觀諦斷見所斷

百一十二分別隨眠名相見道

言下上者欲界爲下名現前界。色無色界爲上名不現前界。俱以四諦爲境。故云苦等。各有二心者。謂下上界諸四諦中各有忍智二心。故成十六。瑜伽五十五云於一諦二種智生。謂忍可欲樂智。及現觀決定智。法真下釋立名。百一十二分別隨眠者。顯揚十七云。謂欲界見苦諦等所斷各有十種。色無色界見苦等斷各有九種。謂各除瞋。如是欲界四十色無色界各三十六名。爲一百一十二煩惱。

若依廣布聖教道理說相見道有九種心。此卽依前緣安立諦二十六種止觀別立。謂法類品忍智合說。各有四觀卽爲八心。八相應止總說爲一。雖見道中止觀雙運。而於見義觀順非止。故此觀止開合不同。由此九心名相見道。

此明他處不言十六唯言九種。亦依前義差別建立。二十六種者。謂安立諦前有十六。後有十六。故名前後二番十六種也。謂法下釋立九種心。謂法類品忍智者。法是現法。有忍有智。類是種類。亦有忍智。故一諦中有此四心。四四十六。今合說者是。

合法忍爲類忍。又合法智爲類智。於四諦中。各唯
一忍各唯一智。故說忍智各有四觀。卽爲八心。若
謂有觀必應有止。故說八止。總爲一心。問。何故八
止。總說爲一。答云。此見道中。觀願見義。故開爲八。
止。非見義。故合爲一。共成九心。名相見道。

諸相見道。依真假說。世第一法。無間而生。及斷隨眠。
非實如是。真見道後。方得生。故非安立。後起安立。故
分別隨眠。真已斷。故前真見道。證唯識性。後相見道。
證唯識相。二中初勝。故頌偏說。

釋二見道立名次序。謂若立名。必先依真而後假。

說世第一法。無間而生者。謂真見道。從世第一法。
無間現前。方生相見道名。此立名之次也。及斷隨
眠。非實如是。真見道後。方得生者。謂加行位。已有
相見道心。能伏分別現行。於見道位。根本智起。能
斷分別隨眠。此伏斷之次也。謂相見道於非安立
諦三種心。能伏煩惱隨眠。及安立諦十六種心。令
煩惱更不復起。此後剎那名真見道。非如立名之
次。真見道後。方得生起。相見道故。非安下。是難詞。
謂若真見後。復起相見。是斷隨眠後。又伏隨眠。故
云非安立後。又起安立。何以故。分別隨眠。真已斷。

故前真下釋二種見道於唯識性相各別證義。頌偏說者謂頌中云若時於所緣智都無所得是真見道無分別義。○四廣明見道竟。下五會通二智前真見道根本智攝。後相見道後得智攝。諸後得智有二分耶。有義俱無。離二取故。有義此智見有相無。說此智品有分別故。聖智皆能親照境故。不執著故。說離二取。

釋二見道二智攝義。復申問答以明二分有無。答中二義俱偏。一雖有見無相分故。

有義此智二分俱有。說此思惟似真如相。不見真實真如性故。又說此智分別諸法自共相等。觀諸有情根性差別而爲說故。又說此智現身土等爲諸有情說正法故。若不變現似色聲等。寧有現身說法等事。轉色蘊依不現色者。轉四蘊依應無受等。又若此智不變似境離自體法應非所緣。綠色等時應緣聲等。又緣無法等應無所緣。緣彼體非實無緣用故。由斯後智二分俱有。

正義謂後得智必有二分。說此思惟是有見分。似真如相有相分故。不見真實真如性者。明後得智不親緣如。又說下此智分別證有見分。自共相等。

證有相分又說此智下復引經證難破前執無相分義身土名似色說法名似聲轉色蘊下牒計難破若謂轉色蘊依不應現身土等色轉四蘊依應無受等心四蘊者受想行識也佛果位中若無受等應如木石何名聖者又若下破識無定所緣也變似境者變色似色境變聲似聲境若不變似境則色離色境體聲離聲境體故云離自體法應非所緣法若離體緣色等時應緣聲等又緣下破無生識之緣也以法無體不能生故由斯理趣後得智即二分俱有○五會通二智竟下六攝六現觀

此二見道與六現觀相攝云何六現觀者一思現觀謂最上品喜受相應思所成慧此能觀察諸法共相引生煥等加行道中觀察諸法此用最猛備立現觀煥等不能廣分別法又未證理故非現觀二信現觀謂緣三寶世出世間決定靜信此助現觀令不退轉立現觀名三戒現觀謂無漏戒除破戒垢令觀增明亦名現觀四現觀智諦現觀謂一切種緣非安立根本後得無分別智五現觀邊智諦現觀謂現觀智諦現觀後諸緣安立世出世智六究竟現觀謂盡智等究竟位智

問答明攝六種現觀。瑜伽云決定義是現觀義。思現觀者乃是最上喜受相應思所成慧名。思現觀上品喜受卽初地中受也。諸法卽色心等共相卽無常等。謂此思慧於加行位引生煖等。此慧觀察力用最猛立現觀名。問煖等四法何非現觀。答煖等不能等。信現觀者信非是觀。令觀不退。故立此名。無漏戒者卽道共戒。破戒垢染故必除之。戒亦非觀。以戒能令觀體增明立此名。故現觀智卽緣非安立諦三品心也。諦現觀卽安立諦苦等智也。瑜伽云卽由此心勢力故於苦等安立諦中有第

二現觀位清淨無礙苦等智生。當知依此智故苦集滅道智得成立。卽前三心并止觀品能證見斷煩惱寂滅。能得永滅一切煩惱及所依事。出世間道是名現觀智。諦現觀現觀卽第四現觀也。第四現觀邊智名諦現觀者方是第五現觀名。瑜伽云謂此現觀後所得之智名現觀邊智。又云從前現觀起已於下上諸諦中。二二智生是名現觀邊智。諦現觀究竟現觀者佛果位中智也。盡智者者煩惱所知二障永盡故云究竟位智。瑜伽云謂由永斷修所斷故所有盡智無生智生。或一向出世或

通世出世於現法中一切煩惱永斷決定於當來世一切依事永斷決定名究竟現觀上釋六種現觀竟下與二見道相攝。

此真見道攝彼第四現觀少分此相見道攝彼第四第五少分彼第二三雖此俱起而非自性故不相攝第四觀中有根本智有後得智此真見道唯通根本故云少分第五觀中世出世智此相見道唯世間智及第四觀中後得智亦云少分第二信觀第三戒觀雖與此二見道俱起但助不退及觀增明而實非是現觀自性故不相攝論中不言第一第

六候更參考。○六攝六現觀竟下七結成見道

菩薩得此二見道時生如來家住極喜地善達法界得諸平等常生諸佛大集會中於多百門已得自在自知不久證大菩提能盡未來利樂一切。

結成見道斷惑證果位次。達法界者通達位也。諸平等者攝論第六云得三平等謂一切眾生平等一切菩薩平等一切諸佛平等。○七結成見道竟。通上三通達位竟下四修習位分三。一牒科標問。次修習位其相云何。

雜集云何等修道謂見道上所有世間道出世間

道輒道中道上道加行道無間道解脫道勝進道
皆名修道云何世間道謂世間四禪四空由四種
相應廣分別謂雜染故清白故建立故清淨故等
云何出世間道謂於修道中法智類智品所攝苦
智集智滅智道智及彼相應諸三摩地者云何輒
道謂輒輒輒中輒上云何中道謂中輒中中中上
云何上道謂上輒上中上上云何加行道謂由此
道能捨煩惱是名修道中加行道云何無間道謂
由此道永斷煩惱令無所餘云何解脫道謂由此
道證斷煩惱所得解脫云何勝進道謂爲斷餘品

煩惱所有加行無間解脫道是名勝進道又謂展
轉進趣引發勝品功德亦名勝進道○一牒科標
問竟下二舉頌總答

頌曰

無得不思議

是出世間智

捨二麤重故

便證得轉依

無得不思議者謂無所取名爲無得及無能取名
不思議是出世間智者以斷世間故捨二麤重者
以斷二障種子故便證得轉依者以能證得二種
果故○二舉頌總答竟下三解釋頌意分四一釋
頌轉依

論曰菩薩從前見道起已爲斷餘障證得轉依復數修習無分別智。此智遠離所取能取故說無得及不思議。或離戲論說爲無得。妙用難測名不思議。是出世間無分別智。斷世間故名出世間。二取隨眠是世間本。唯此能斷獨得出名。或出世名依二義立。謂體無漏及證真如。此智具斯二種義故獨名出世。餘智不然。卽十地中無分別智。

釋第一句頌言餘障者俱生二障也。遠離所取說爲無得。離能取者名不思議。是出世間下。釋第二句。所斷二取是世間本。故能斷智名出世間。依二

義者一體無漏。二證真如。唯根本智具此二義。餘智所無。故云不然。此根本智卽十地中能斷俱生所知障種者名無分別智。

數修此故捨二麤重。二障種子立麤重名。性無堪任。違細輕故。令彼永滅。故說爲捨。此能捨彼二麤重。故便能證得廣大轉依。依謂所依卽依他起。與染淨法爲所依故。染謂虛妄徧計所執。淨謂真實圓成實性。轉謂二分轉捨轉得。由數修習無分別智斷本識中二障麤重。故能轉捨依他起。上徧計所執。及能轉得依他起。中圓成實性。由轉煩惱得大涅槃。轉所知障

證無上覺。成立唯識。意爲有情證得如斯二轉依果。釋第三句頌。謂數修此無分別智。方捨二障。違細輕者。以種子名麤重。故與無分別細輕智相違。此能下。釋第四句頌。廣大轉依者。轉捨依他起中煩惱所知二種麤重。轉得依他起中菩提涅槃二種大果。故說依字是依他起。餘義如文。由數修下。釋上轉捨轉得義。由轉下。顯二果名。無上覺。卽無上菩提果也。成立下。名大乘所立唯識。一切有情平等共有。所謂世間有漏無漏。若因若果。唯識所具。則知有情於此位中。二轉依果亦應證得。

或依卽是唯識真如。生死涅槃之所依故。愚夫顛倒。迷此真如。故無始來受生死苦。聖者離倒悟此真如。便得涅槃畢竟安樂。由數修習。無分別智。斷本識中二障麤重。故能轉滅依如生死。及能轉證依如涅槃。此卽真如離雜染性。如雖三淨而相雜染。故離染時。假說新淨。卽此新淨說爲轉依。修習位中。斷障證得。雖於此位亦得菩提。而非此中頌意所顯。頌意但顯轉唯識性。二乘滿位名解脫身。在大牟尼名法身故。又作一義解。上依字卽是真如。愚夫下。釋生死依真如。聖者下。釋涅槃依真如。由數修下。復釋轉捨

轉得義言依如生死及依如涅槃者上云生死涅槃依真如故設問云真如性淨何有生死雜染所依。答云如雖性淨而相雜染者謂此真如是諸法體。應知諸法是真如相則彼二障一種生死是此真如雜染相故。設問云既此位中已得證果何要別立究竟位耶。答云雖於此位亦斷所知分證菩提而非此中頌意所顯頌意但顯轉捨唯識相轉得唯識性問轉唯識相得何等身。答云二乘滿位轉唯識相名解脫身在大牟尼轉唯識相名法身故。○一釋頌轉依竟下二修斷證義分三。一問答標

數。

云何證得二種轉依。謂十地中修十勝行斷十重障。證十真如。二種轉依由斯證得。

問答以明二種轉依必從地中修行斷障漸證真如。於二轉依方能證得。○一問答標數竟下二依數別釋分四。一十聖地。

言十地者。一極喜地。初獲聖性具證二空能益自他。生大喜故。二離垢地。具淨尸羅遠離能起微細毀犯。煩惱垢故。三發光地。成就勝定大法總持能發無邊妙慧光故。四焰慧地。安住最勝菩提分法燒煩惱薪。

慧焰增故。五極難勝地。真俗兩智。行相互違。合令相應。極難勝故。

初地中。二義名爲極喜。一者獲聖性得聖位故。二者證二空味真理故。三者益自他成利行故。攝論云。由此最初得能成辦自他義利勝功德。故唯約第三義說。十住婆沙云。始得法味。生大歡喜。故唯約第二義說。解深密云。成就大義。得未曾有。出世間心。生大歡喜。故唯約第一義說。二地言離垢者。卽離前地。以前歡喜名爲垢染。故說遠離煩惱。垢故。尸羅卽戒名。道共戒。深密經云。遠離一切微細

犯戒。是故第二名離垢地。清涼大師云。性戒成就。非如初地思擇護戒。婆沙云。雖云行十善道。離諸垢故。亦不異戒。三地由得勝定。發修慧光。由得總持教法。發聞思光。彼無邊慧。卽是三慧。深密經云。由彼所得三摩地及繫持陀羅尼。能爲無量智光依止。是故第三名發光地。四地煩惱必依所知障起。故斷所知煩惱。亦斷深密經云。由彼所得菩提分法。燒諸煩惱。譬如火燄。是故第四名燄慧地。名燄慧者。菩提如火。智慧如焰。從喻得名。五地謂真諦智。是無分別俗諦世間工巧等智。是有分別。故

說互違。深密經云。由卽於彼菩提分法。方便修習。最極艱難。方得自在。是故第五名極難勝地。

六現前地。任緣起智引無分別最勝般若。令現前故。
七遠行地。至無相任功用後邊。出過世間。二乘道故。
八不動地。無分別智任運相續。稍用煩惱不能動故。
九善慧地。成就微妙。四無礙解。能徧十方善說法故。
十法雲地。大法智雲。含衆德水。蔭蔽一切。如空羸重。充滿法身故。如是十地總攝。有爲無爲功德。以爲自性。與所修行。爲勝依持。令得生長。故名爲地。

六地深觀緣起。悟一切法無染無淨。於無相觀能

引現前。深密經云。現前觀察諸行流轉。又於無相。多修作意。方現在前。是故第六名現前地。七地遠行。有三義。一到無相邊。二功用至極。三望前超過。深密經云。能遠證入。無缺無間。無相作意。與清淨地。共相隣接。是故第七名遠行地。八地由任運故。功用不能動。由無分別智相續。故相不能動。總由上二煩惱不能動。深密經云。由於無相得無功用。於諸相中。不爲現行煩惱所動。是故第八名不動地。九地四無礙者。謂法無礙解。義無礙解。辭無礙解。樂說無礙解。深密經云。於一切種說法。自在獲

得無量廣大智慧。是故第九名善慧地。十地中。麤指雲。重指水。如空者。謂智雲。德水。廣大無邊。如虛空。故深密經云。麤重之身。廣如虛空。法身圓滿。譬如大雲。皆能徧覆。是故第十名法雲地。已上十地。若約寄位。初之三地。寄同世間。通攝五乘。中之四地。寄二乘法。後之三地。唯寄一乘。從前差別進一乘。故如是。下結成地義。能生能長功德。勝行故名爲地。○一十聖地。竟。下二十勝行。

十勝行者。卽是十種波羅密多。

此中總標下文別釋。有十二章。一釋名。二釋性。三

釋相。四釋不增減。五釋次第。六釋修。七釋攝。八釋

果。九釋三學。十釋位。十一釋別名。十二總結。

施有三種。謂財施。無畏。法施。戒有三種。謂律儀。戒。攝善法。戒。饒益。有情。戒。忍有三種。謂耐怨害。忍。安受苦。忍。諦察。法。忍。精進有三種。謂被甲。精進。攝善。精進。利樂。精進。靜慮有三種。安住。靜慮。引發。靜慮。辦事。靜慮。般若有三種。謂生空。無分別慧。法空。無分別慧。俱空。無分別慧。方便善巧有二種。謂迴向。方便善巧。拔濟。方便善巧。願有二種。謂求善。提願。利樂。他願。力有二種。謂思。擇力。修習力。智有二種。受用法。樂智。成熟。

有情智

梵語檀那。此云布施。撒已惠人名之爲施。財施能令資生。無畏令得安樂。法施令得法忍。梵語尸羅。此云持戒。防非止惡。名之爲戒。言律儀者。談法式也。於不善法而能遠離。及防護故。攝善法者。無善不修。饒益有情。無生不度。梵語羸提。此云忍辱。堪受諸法。不忘不懷。名之爲忍。忍外障曰耐怨害。忍內障曰安受苦。諦察法忍。忍無生。故梵語毘梨耶。此云精進。練心於法。名之爲精。精心務達。目之曰進。被甲則勇悍。防惡攝善。則方便進趣。利樂精進。

度生無足。梵語禪那。此云靜慮。靜簡散心。慮簡無慧。止觀均故。安住則常在禪定。引發則定能生慧。辦事則利樂有情。梵語般若。此云智慧。推求諦理。名之爲慧。能斷我執。故名生空。能斷法執。名爲法空。二執俱斷。名俱空故。方謂方法。便謂便宜。以有方便。能轉悲智。運大智故。迴前六度。向大菩提。運大悲故。亦前六度。拔濟有情。不捨生死。求菩提。名菩薩行。希求要誓。名之爲願。希求菩提。自利願也。誓度有情。利他願也。不可屈伏。任運成就。自之曰力。思但役心。徐而細故。擇與慧俱。急而麤故。二者

並用緩急得。令前六度無間現前。復於諸度在
運修習。不由擇力而決了者。名之爲智。由前六種
成就此智。名受用法樂。復由此智助滿前六名成
熟。有情一釋名竟。

此十性者。施以無貪及彼所起三業爲性。戒以受學
菩薩戒時三業爲性。忍以無瞋精進審慧及彼所起
三業爲性。精進以勤及彼所起三業爲性。靜慮但以
等持爲性。後五皆以擇法爲性。說是根本後得智故。
有義第八以欲勝解及信爲性。願以此三爲自性。故
此說自性若并眷屬。一皆以一切俱行功德爲性。

無貪卽善十一中一法。要由無貪相應思於自身
財方能惠捨。戒以受學菩薩戒時三業爲性。大論
四十卷謂律儀戒以七衆別解脫戒爲體。謂苾芻
戒。苾芻尼戒。正學戒。勤策戒。勤策女戒。近事男戒。
近事女戒。卽在家出家戒。名菩薩戒。與聲聞共故。
若攝善法戒者。謂諸菩薩受律儀後。一切所作。爲
大菩提。由身語意積集諸善。以爲其體。總上律儀
及攝善法。共名攝衆生戒。卽饒益有情戒也。忍以
無瞋精進審慧及彼所起三業爲性。無取精進卽
善十一中二。審慧卽別境五中慧。所以有此三者。

大論四十二云。自無憤教。不報他怨。亦不隨眠流注相續。是名菩薩耐怨害忍。卽以無瞋及三業爲性。若安受苦忍。卽精進三業爲性。若諦察法忍。卽以審慧三業爲性。故此三業通於三忍。精進以勤及彼所起三業爲性。精進卽善十一中之一數也。勤卽精進。以勤行三業爲體。靜慮以等持爲性。等持卽三摩地。雖是別境心所之一。今約定說。寧通散心。故不說三業。對法論云。起三業自在用時。所有一切種常安住。卽通三業。以約用故。慧波羅密通後五種。皆以擇法爲性。說是根本後得智故。以

根本智爲第六體。後之四體。皆後得智。人以欲解。及信爲性者。信於前境。方有印持。信解現前。隨生樂欲。由此三故。而發要誓。故願波羅密。以信解欲爲彼體性。此說自性者。總結前說。各別性故。若并下顯助伴義。故以一切俱行功德爲性。二釋性竟。

此十相者。要七最勝之所攝受。方可建立波羅密多。一安住最勝。爲要安住菩薩種性。二依止最勝。謂要依止大菩提心。三意樂最勝。謂要悲愍一切有情。四事業最勝。謂要俱行一切事業。五巧便最勝。謂要無相智所攝受。六迴向最勝。謂要迴向無上菩提。七清

淨最勝。謂要不爲二障間雜。若非此七所攝受者。所
行施等非到彼岸。由斯施等十對波羅密多。一一皆
應四句分別。

總舉十波羅密以七最勝攝受爲相。文中別釋。七
種最勝者。一以大乘二種種性爲安住。二以大菩
提心爲依止。三以悲愍有情爲意樂。四以萬行爲
事業。五以無相智爲巧便。六以無上菩提爲廻向。
七以永斷二障爲清淨。若非下結顯施等。必攝七
義。方到彼岸。由斯下明施等對十波羅密有差別
義。施等十種唯是有爲。有漏性攝。十波羅密到彼

岸故。無漏無爲性所攝。故云。出七最勝。方可建
立波羅密多。四句分別者。有施非波羅密。有波羅
密非施。有亦施亦波羅密。有非施非波羅密。二釋
相竟。

此但有十不增減者。謂十地中對治十障。證十真如。
無增減故。

此明十波羅密不增減義。謂於一地唯斷一障。及
二種愚證一真如。地地皆然。義無增減。

復次前六不增減者。爲除六種相違障故。漸次修行
諸佛法故。漸次成熟。諸有情故。此如餘論廣說。應知。

又施等三。增上生道。感大財體及眷屬。故精進等三。決定勝道。能伏煩惱成熟。有情及佛法。故諸菩薩道。唯有此二。

此明前六波羅密多。不增減義。六種相違者。布施違慳貪。持戒違毀戒。忍辱違瞋恚。精進違懈怠。禪定違散亂。智慧違愚癡。六種波羅密多。是諸佛法。布施等六種成熟。有情能所相準。名不增減。又施等下明二道。攝六波羅密顯。不增減。增上生道。顯唯自利。故云感大財體及眷屬。故決定勝道。自他俱利。故云成熟。有情及佛法。故諸菩薩道。唯有此

二者以攝六種無餘事故。名不增減。

又前三種饒益有情。施彼資財。不損惱彼。堪忍彼惱。而饒益故。精進等三。對治煩惱。雖未伏滅。而能精勤。修對治彼諸善加行。永伏永滅諸煩惱。故又由施等。不住涅槃。及由後三。不住生死。爲無住處。涅槃資糧。由此前六。不增不減。

復以二利攝六波羅密多。顯不增減。謂以布施施彼資財。持戒不損惱彼。忍辱堪忍彼惱。是前三名利他行。精進等三。對治煩惱。名自利行。以精進修善。則煩惱不動。靜慮觀心。現行不起。智無分別。永

斷隨眠是故此三於諸煩惱能伏能斷。二利各三
不增減故。又由下明六種共爲無住涅槃資糧顯
不增減施等三種假觀利生不住涅槃精進等三
能斷煩惱不住生死。生死涅槃二皆不住故云無
住處涅槃資糧生死涅槃各不住二名不增減。無
住涅槃卽佛所證大涅槃果。由此下結成前說六
不增減。
後唯四者爲助前六令修滿足。不增減故方便善巧
助施等三願助精進。力助靜慮。智助般若。令修滿故
如解深密廣說應知。

釋後四種助前六義。四中前一通助前三。以施等
三無巧方便不能行故。精進等三四中後三各別
相助大論第七十八云於前三種波羅密多所攝
有情以諸攝事方便善巧而攝受故安任善品意
云巧用施等以攝物也。願助精進者大論云由此
願故煩惱微薄能修精進。力助靜慮者大論云由
此力故於內心住有所堪能。故說力度助於定也。
智助般若者大論云由此智故堪能引發出世間
慧。故說智爲慧助。是以後四助於前六。令前六度
修習圓滿。前六不能助後四也。四釋不增減竟。

十次第者謂由前前引發後後及由後後持淨前前又前前麤後後細故易難修習次第如是釋總別名如餘處說

此明十種波羅密多次第有四門別一引發二持淨三麤細四易難言引發者深密經云能爲後後引發依故謂諸菩薩若於身財無所顧恪使能受持清淨禁戒爲護禁戒使修忍辱修忍辱已能發精進發精進已能辦靜慮辦靜慮已便能獲得出世間慧是故我說波羅密多如是次第言持淨者能爲前前持淨依故雖行布施攝益有情由淨戒

力施得清淨由忍力故戒得清淨由精進故忍得清淨由靜慮故精進清淨由般若故靜慮清淨言麤細者前前爲麤後後爲細於諸行中施爲最麤故先建立智爲最細故後方陳言易難者義同麤細以前望後立前爲麤顯易修故以後望前立後爲細顯難進故一一相望故有前前及後後義初一唯前後一唯後中之八度通爲前後五釋次第竟

此十修者有五種修一依止任持修二依止作意修三依止意樂修四依止方便修五依止自在修依此

五修。修習十波羅密多皆得圓滿。如集論等廣說其相。

總舉五種修修十波羅密文中別釋。任持修者力能任持故有四種。謂種姓力。自體力。大願力。大智力。具此四力方能任持。作意修者。心能作意亦有四種。謂勝解心。愛味心。隨喜心。願樂心。具此四心作意修習施等諸行。意樂修者。復有五種。謂無厭意。樂。廣大意。樂。歡喜意。樂。無染意。樂。善好意。樂。隨諸意。樂。修諸行故。方便修者。亦有三種。卽三輪清淨。無分別智而觀察故。二利善巧是方便義。自在合與二智相攝。合爲六者。第六通二智。開爲十者。第六唯根本。後四通後得。以緣世俗故。七釋攝竟。此十果者。有漏有四。除離繫果。無漏有四。除異熟果。而有處說具五果者。或互相資。或二合說。

此明十波羅密所證之果。異熟唯有漏。離繫唯無漏。故此二果各唯一位。等流土用增上。三果有漏無漏二位俱通。或互相資。或二合說者是。兼有漏無漏二位說故。八釋果竟。

十與三學互相攝者。戒學有二。一律儀戒。謂正遠離。所應離法。二攝善法戒。謂正修證。應修證法。三饒益。

有情戒謂正利樂一切有情此與二乘有共不共甚深廣大如餘處說

總舉十波羅密與三學相攝。文中別釋二學別義。戒學有三。皆言正者以正遠離及正修證學正度生非邪戒故此與二乘有共不共者前一是共後二不共。以彼聲聞唯共律儀無攝善法饒益有情故說不共。甚深廣大者攝大乘論云復次應知略由四種殊勝故此殊勝。一由差別殊勝謂卽此戒三品別故。二由共不共殊勝。戒與聲聞共不共故。三由廣大殊勝。學處福德修行證果俱廣大故。四

由甚深殊勝。所學尸羅逆順甚深難可測故。已上四種棟異小乘故云殊勝。

定學有四。一大乘光明定。謂此能發照了大乘理教。行果智光明故。二集福王定。謂此自在集無邊福如王勢力無等雙故。三賢守定。謂此能守世出世間賢善法故。四健行定。謂佛菩薩大健有情之所行故。此四所緣對治堪能引發作業如餘處說。

定學四者。一學發大乘理教行果四種智慧定故。二學無邊廣大福德自在王定故。三學守賢善法之定故。四學勤行度生定故。言健行者君子自強

不息之謂此四下攝大乘論云略由六種差別應
知一由所緣差別謂大乘法爲所緣故二由種種
差別謂大乘光明集福王定賢守健行等三摩地
種種無量故三由對治差別謂一切法總相緣智
以楔出楔道理遣阿賴耶識中一切障麤重故四
由堪能差別謂住靜慮樂隨其所欲而受生故五
由引發差別謂由引發一切世界無礙神通故六
由作業差別謂能振動熾然等諸大神通故也上
六種俱異小乘故名差別今此四者卽彼論中第
二種種差別也

慧學有三一加行無分別慧二根本無分別慧三後
得無分別慧此三自性所依因緣所緣行等如餘處說
慧學三者一學修因慧故二學證果慧故三學度
生慧故此三下攝大乘論云謂無分別智若自性
若所依若因緣若所緣若行相若任持若助伴若
異熟若等流若出離若至究竟若勝利若差別若
作事若甚深應知三種無分別智各具此十五種
相名增上慧殊勝自性者謂無分別智離五種相
爲自性一離無作意不同睡眠悶等無作意故二
離過有尋伺地不同二禪及上諸地無尋伺故三

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

唯識論卷第一

五十四

離想受滅寂不同滅定等名無心定故四離色自
 性不同色法頑無知故五離於真義異計處不同
 計度有分別故故有頌曰諸菩薩自性遠離五種
 相是無分別智不異計於真二所依頌曰諸菩薩
 所依非心無分別也而是心又能照境是無分別智非思議
 種類此所依心不三因緣頌曰諸菩薩因緣有言
 聞熏習聞大乘是無分別智及如理作意順理起
 四所緣頌曰諸菩薩所緣不可言法性法無自是
 無分別智無我性真如五行相頌曰諸菩薩行相
 復於所緣中是無分別智彼所知無相六任持頌

曰諸菩薩任持是無分別智後所得諸行為趣進

增長得智任持七助伴頌曰諸菩薩助伴說為二

種道施戒忍進為資糧是無分別智五到彼岸性

波羅密即前五八異熟頌曰諸菩薩異熟於佛二會中受

流頌曰諸菩薩等流於後後生中等於前是無分

別智自體轉增長十出離頌曰諸菩薩出離見道

得成辦相應修道為是無分別智應知於十地

十一究竟頌曰諸菩薩究竟得清淨三身是無分

別智得最上自在十二勝利有三一加行無染勝

唯識論卷第一

卷第一

五十五

利頌曰如虛空無染染是無分別智種種極重惡

是無染處由唯信勝解信無分別發起勝解於惡不染二根本無染勝

利頌曰如虛空無染是無分別智解脫一切障得

成辦相應修道名成辨如見道而修說為相應三後得無染勝利頌

曰如虛空無染是無分別智常行於世間非世法

所染世法有人刊衰譽毀稱譏苦樂十三差別頌曰如癡求受義

求受喻無分別如癡正受義正受喻境智平等如非癡受義

喻後得智三智譬如是復有愚及五識未解人目

四喻四頌文繁不引十四作事頌曰如未尼天樂

無思成自事無思總喻智無分別種種佛事處常離思亦亦

十五甚深頌曰非於此非餘此即依他是有分別餘非依他無分別

非智而是智有無雙非顯甚深義與境無有異心境一如智成無

分別彼論尚有餘文不復繁引

如是三慧初二位中種具有二現唯加行於通達位

現二種三見道位中無加行故於修習位七地已前

若種若現俱通三種八地以去現二種三無功用道

違加行故所有進趣皆用後得無漏觀中任運趣故

究竟位中現種俱二加行現種俱已捨故

設問云即此三慧於五位中若種若現云何有無

答云如是三慧於初資糧及加行位種具有三現

唯加行以前二位未得見道故無根本及後得故。於通達位現二種三者以時促故無加行義於修習位前七地中種現俱三者以前七地有漏無漏二智間起斷惑證果有加行故。八地以去後三地等現二種三以無功用違加行故。問既無加行何趣上地。答所有進趣皆用後得。問既皆後得何用根本。答無漏觀中任運趣故亦有根本。究竟位唯以根本證真如理後得利生盡未來際故於加行種現俱捨。上釋三慧攝五位竟下文總釋二學與十波羅密相攝。

若自性攝戒唯攝戒定攝靜慮。慧攝後五。若并助伴皆具相攝。若隨用攝戒攝前三資糧自體眷屬性故。定攝靜慮。慧攝後五。精進三攝。遍策三故。若隨顯攝戒攝前四。前三如前及守護故。定攝靜慮。慧攝後五。言自性者即各自體無相雜義。故云戒學攝戒定學攝靜慮。慧學攝後五。施忪勤三學不攝。若并助伴皆具相攝者謂隨互相助力於三學中。一一皆攝十波羅密。若隨用者用即業用依體起故。故云戒攝前三資糧自體眷屬性故。謂此戒學以戒為體。施為資糧。忪為眷屬。精進三攝遍策三者謂精

進一法。二學共攝。精進卽勤。以勤行三學。故云遍
策三故。隨顯攝者。顯卽顯現。義現前故。故說前三。
如前戒攝。亦攝精進。守護戒故。九釋三學竟。
此十位者。五位皆具。修習位中。其相最顯。然初二位。
頓悟菩薩。種通二種。現唯有漏。漸悟菩薩。若種若現。
俱通二種。已得生空。無漏觀故。通達位中。種通二種。
現唯無漏。於修習位。七地已前。種現俱通。有漏無漏。
八地以去。種通二種。現唯無漏。究竟位中。若現若種。
俱唯無漏。

此明十種波羅密多位次。謂於五位十種皆具。唯

修習位其相最顯。以十地中。必以施等爲正行故。
然初下釋十波羅密多。各有有漏無漏種子現行。
以明諸位簡別。謂初二位。頓悟菩薩。未伏分別惑。
故於無漏現行不起。漸悟菩薩。已得生空。四如實
智。故漏無漏種現俱通。通達位中。於一刹那得真
見道。故於有漏不起現行。修習前七現種俱通。以
漏無漏相間起故。八地以去。種二現一者。以彼有
漏惑永伏不起故。究竟位中。有漏種現俱永斷故。
十釋位竟。

此十因位有三種名。一名波羅密多。謂初無數劫爾

時施等勢力尚微。被煩惱伏。未能伏彼。由斯煩惱不覺現行。二名近波羅密多。謂第二無數劫爾時施等勢力漸增。非煩惱伏。而能伏彼。由斯煩惱故意方行。三名大波羅密多。謂第三無數劫爾時施等勢力轉增。能畢竟伏一切煩惱。由斯煩惱永不現行。猶有所知微細現種及煩惱種。故未究竟。

此明十波羅密多。因位三名。卽三僧祇修勝行義。一名波羅密者。謂資糧加行。二位歷一僧祇名爲初劫。於彼長時施等力微。未伏煩惱。不覺現行。於唯識性雖解希求。未實安住。而於一行唯起一行。

由未見道。故但有名耳。二名近波羅密者。謂通達位及修習位。前七地中。歷一僧祇名第二劫。於彼長時施等。漸增能伏煩惱。雖未究竟。任唯識性。而由見道分證眞理。雖於一行起諸勝行。由於加行方得現前。未得無功自在。現故故名爲近。由斯下謂雖起煩惱。無煩惱過失。以度生故。方現貪等名爲故意。三名大波羅密者。謂從八地乃至等覺。歷一僧祇名第三劫。於彼長時施等。轉增能畢竟伏一切煩惱。永不現行。能於一行自在顯現一切行。故故名爲大問。既永不現煩惱。現行何不名佛。答猶

有所知微細現種及煩惱種故未究竟。要至等覺金剛喻定。現在前時究竟斷故。十一釋別名竟。此十義類差別無邊。恐厭繁文。略示綱要。十於十地。雖實皆修。而隨相增地。地修一。雖十地。行有無量門。而皆攝在十到彼岸。

總結十種義類無邊略示綱要。問十行十地何依何修。答十於十地。雖實皆修。而隨相增地。地修一。問十地行門差別無量。何唯十種。答雖十地有無量門。而皆攝在十到彼岸。十二總結竟。○二十勝行竟。下三十重障分二。一正釋十種。

十重障者。一異生性障。謂二障中分別起者。依彼種立異生性故。二乘見道現在前時。唯斷一種名得聖性。菩薩見道現在前時。具斷二種名得聖性。二真見道現在前時。彼二障種必不成就。猶明與闇定不俱生。如秤兩頭。低昂時等。諸相違法。理必應然。是故二性無俱成失。

總舉二轉依中所斷十種重障。文中別釋。異生性障者。依彼分別二障種立。若斷彼種。轉名聖性。應知此障。唯在地前。三賢六道名異生性。唯斷一種者。一乘見道時。唯斷分別煩惱。卽入聖流。名爲聖

性菩薩具斷二種者當作俱字。彼見道時俱斷分別煩惱所知障種卽入聖位。名得聖性。後十卷廣大轉中。具能通達亦當作俱字。二真下明凡聖二性不俱生義。雖大小乘斷分別惑有狹有廣。見道俱真故名二真見道。猶明下喻不俱生。如秤下喻無間斷。以智起時惑卽除滅。故云低昂時等。諸相違法理必應然者。謂智與惑違。未有有智而容有惑。未有有惑而亦有智。故云二性無俱成失。論意異。薩婆多宗。彼宗所立見道之前斷異。生性無間道起無惑種俱說言斷耳。彼卽難云。旣依見道斷

種立名卽無間道有惑種俱。異生未斷。如何凡聖無俱成失。故此釋云。見道起時彼種不成。猶如明生不與暗並。故凡聖性無俱成失。

無間道時已無惑種。何用復起解脫道爲。斷惑證滅。期心別故。爲捨彼品麤重性故。無間道時雖無惑種而未捨彼無堪任性。爲捨此故起解脫道。及證此品。擇滅無爲。雖見道生亦斷惡趣諸業果等。而今且說能起煩惱是根本故。由斯初地說斷二愚及彼麤重。一執著我法愚。卽是此中異生性障。二惡趣雜染愚。卽是惡趣諸業果等。應知愚品總說爲愚。後準此釋。

問荅明斷惑證果期心別也。無間道卽見道時。謂
既見道已無惑種。後起解脫復爲何用。荅云。斷惑
證滅期心別。故者無間道時。但能斷惑。解脫道時
方得證果。故云期別。後智斷惑本智證果。故云心
別。爲捨彼品麤重性。故者釋起解脫道之所以也。
復自云。無間道時。雖無分別惑種。而未捨彼俱生
惑種。俱生性細名無堪任。爲捨彼故。及證此品擇
滅無爲。故起解脫。言此品者。卽此已斷分別種也。
設問云。眞見道生已名聖者。何有異生。諸業果耶。
荅云。雖見道生亦斷業果。而今初地說斷煩惱是

諸惡趣業果根本。故說初地斷二種愚及彼種子。
以麤重言卽種子義。一執下釋上二愚。總是分別
我法二執。但以因果有別。分作二種。故云愚品總
說爲愚。後準此釋者。初地既念。後九同故。

或彼唯說利鈍障品俱起二愚。彼麤重言顯彼二種。
或二所起無堪任性。如入一定說斷苦根。所斷苦根
雖非現種而名麤重。此亦應然。後麤重言例此應釋。
雖初地所斷實通二障。而異生性障。意取所知。說十
無明非染污故。無明卽是十障品愚。二乘亦能斷煩
惱障。彼是共故。非此所說。又十無明不染污者。唯依

十地修所斷說

又作一義解釋上意煩惱是染污性故利所知是無記性故鈍彼麤重言顯彼利鈍二障種子。此攄已斷者說。或二所起無堪任性者又顯二種是俱生義。此攄現斷者說。如入下引喻以明已斷者。謂入無想滅盡定者俱斷苦根。以二定中無苦受故。於入定時雖無苦根現行種子而名入定斷彼麤重。此初地中亦亦。雖初下通釋地上所斷。言雖二障意取所知。經說十種無明。卽十障品愚。非是煩惱染污性故。二乘亦能斷煩惱障。是與菩薩共故。

非此菩薩獨斷品中所說。又前經說十種無明不染污者。唯依十地修所斷中所知障說。故知地上唯斷所知設問云。初地所斷既通二障。何非染污下文答釋。

雖此位中亦伏煩惱斷彼麤重而非正意不斷隨眠。故此不說。理實初地修道位中亦斷俱生所知一分。然今且說最初斷者。後九地斷準此應知。住滿地中時既淹久。理應進斷所應斷障不尠。三時道應無別。故說菩薩得現觀已。復於十地修道位中。唯修水滅所知障道。留煩惱障。助願受生。非如二乘速趣圓寂。

故修道位不斷煩惱將成佛時方頓斷故。

此是釋詞謂於初地雖亦頓伏俱生煩惱不起現行亦可假說斷彼麤重而非正意故此不說斷煩惱種理實下結顯十地唯斷所知問煩惱隨眠何時方斷答云住滿地中時既淹久理應進斷所應斷障三時者三阿僧祇劫也資糧加行歷一僧祇名漸伏頓斷道漸伏俱生頓斷分別故通達修習前七地中歷一僧祇名頓伏漸斷道頓伏煩惱漸斷所知故修道後三至究竟位歷一僧祇名永伏永斷道煩惱所知究竟斷故是三道別住滿地中。

時既淹久者是後僧祇於此長時應斷餘障若不余者三時斷道應無別故復引經證得現觀者現量觀也謂見道後親證真如是現量境不同地前但得比量故說菩薩得現觀已唯斷所知以留煩惱助願度生不同二乘斷盡煩惱速趣涅槃故修道下論王釋引證義。

二邪行障謂所知障中俱生一分及彼所起悞犯三業彼障二地極淨尸羅入二地時便能永斷由斯二地說斷二愚及彼麤重一微細悞犯愚卽是此中俱生一分二種種業趣愚卽彼所起悞犯三業或唯起

業不了業愚

瑜伽七十九云云何邪行障當知略說後後引發有八種相一者能退智邪行退故妄念邪行妄故壞百法邪行壞故意現邪行惡故難調伏邪行難調故行非道邪行行非故不賢良邪行不賢故不如義邪行攝論云謂於身等邪行障彼言身等卽是三業共有十惡名邪行障卽前初地生大歡喜故能悞犯三業名爲邪行是故論中自釋云謂所知障中俱生一分及彼所起悞犯三業此簡煩惱及分別起唯顯俱生所知由有悞犯障淨尸羅

得登二地便能永斷彼障下明斷二愚同前釋義微細悞犯爲因種種業趣爲果故分爲二或唯下又以起業不了爲二愚起業愚者卽彼發起悞犯三業不了愚者卽於彼業不能了知虛妄自性而執實有故名爲愚

三闇鈍障謂所知障中俱生一分令所聞思修法忘失彼障三地勝定總持及彼所發殊勝三慧入三地時便能永斷由斯三地說斷二愚及彼麤重一欲貪愚卽是此中能障勝定及修慧者彼昔多與欲貪俱故名欲貪愚今得勝定及修所成彼旣永斷欲貪隨

伏此無始來依彼轉故。二圓滿聞持陀羅尼愚。卽是此中能障總持聞思慧者。

忘失三慧故名闇鈍。卽二地中極淨尸羅。以純修戒無定慧故。故論釋云。謂所知障中俱生一分。令所聞思修慧忘失。彼障下明斷二愚。同前釋義。一欲貪愚。卽是煩惱。故有問云。上云所知障中俱生一分。今何得舉欲貪煩惱。答。謂彼所知多與欲貪俱時轉。故名欲貪愚。今得定慧。所知障斷。欲貪隨伏。以此貪欲無始時來恒依所知而得轉。故陀羅尼者。此云總持。以持一法得一切法。故名爲總持。

障勝定修慧爲因。今障聞思二慧爲果。故分爲二。四微細煩惱。現行障。謂所知障中俱生一分。第六識俱身見等攝。最下品。故不任意緣。故遠隨現行。故說名微細。彼障四地菩提分法。入四地時。便能永斷。彼昔多與第六識中任運而生。執我見等同體起。故說煩惱名。今四地中。旣得無漏菩提分法。彼便永滅。此我見等亦永不行。初二三地行。施戒修相同世間。四地修得菩提分法。方名出世。故能永害二身見等。由貪定慧。故名煩惱。卽二地中。勝定總持。故下二種愚名。定愛法愛。論主自釋云。第六識俱身見等。

攝謂此煩惱唯第六俱非第七者以彼煩惱入地
方伏最下品者無記性攝故不作意緣者任運而
起故遠隨現行者從無始來故具此三義故名微
細以有身見不能觀身爲不淨等故起貪愛煩惱
今得菩提便能永斷問旣云所知障中俱生一分
何名微細煩惱答云彼所知障昔與我執煩惱同
起說煩惱名今得菩提彼所知障便能永滅依所
知起我見煩惱亦永不行又問云前之三地何不
亦耶答云初二三地等一身見者所知煩惱俱依
身見等起故名爲二

寧知此與第六識俱第七識俱執我見等與無漏道
性相違故入地以去方永不行七地已來猶得現起
與餘煩惱爲依持故此麤彼細伏有前後故此但與
第六相應身見等言亦攝無始所知障攝定愛法愛
彼定法愛三地尚增入四地時方能永斷菩提分法
特違彼故由斯四地說斷二愚及彼麤重一等至愛
愚卽是此中定愛俱者二法愛愚卽是此中法愛俱
者所知障攝二愚斷故煩惱二愛亦永不行

問此我執見等何唯第六識俱答中謂第七識相
應煩惱前七地中猶得現起與餘六識相應煩惱

爲依止故以前七地非無漏道故至八地方永不
行此第六麤彼第七細伏有前後故此地中所伏
煩惱第六相應身見下釋上所說身見等言攝定
法愛三地增者愛修勝定及總持故四地永斷違
菩提故由斯下釋斷二愚攝定法愛等至卽定名
定愛愚愚卽無明徧染心等故與愛俱定愛定愚
如是相攝法愚法愛相攝亦亦所知障攝定法二
愚無明斷故煩惱相應定法二愛亦永不行以不
執我能修定法是斷煩惱不執勝定大法實有是
斷所知愛定爲因愛法爲果故開爲二。

五於下乘般涅槃障謂所知障中俱生一分令厭生
死樂趣涅槃同下二乘厭苦欣滅彼障五地無差別
道入五地時便能永斷由斯五地說斷二愚及彼麤
重一純作意背生死愚卽是此中厭生死者二純作
意向涅槃愚卽是此中樂涅槃者

求證菩提必厭生死以有欣厭故名爲障卽前四
地求出世心故同二乘有欣厭義彼障下釋斷二
愚卽是欣厭以有欣厭卽障五地真俗等觀無差
別道入五地時得此道故便能永斷欣涅槃爲果
厭生死爲因故分爲二。

六麤相現行障謂所知障中俱生一分。執有染淨麤相現行。彼障六地無染淨道。入六地時便能永斷。由斯六地說斷。一愚及彼麤重。二現觀察行流轉。愚卽是此中執有染者。諸行流轉染分攝故。二相多現行。愚卽是此中執有淨者。取淨相故。相觀多行未能多時。任無相觀。

有染有淨名爲麤相。卽前五地無差別道。真俗等觀染淨相現名麤現行。彼障下釋斷。一愚卽染淨相。以有染淨障無淨染。故於六地無染淨時。二愚永斷。觀察流轉者。卽是因緣流轉門。故云染分攝。

故相多現行卽是因緣還滅門。故云取淨相故。一相未泯。故云相觀多行。未能多時。任無相觀。若任無相。方名六地無染淨道。觀察流轉爲因。相多現行爲果。故開爲二。

七細相現行障。謂所知障中俱生一分。執有生滅細相現行。彼障七地妙無相道。入七地時便能永斷。由斯七地說斷。一愚及彼麤重。一細相現行。愚卽是此中執有生者。猶取流轉細生相故。二純作意求無相。愚卽是此中執有滅者。尚取還滅細滅相故。純於無相作意勤求。未能空中起。有勝行。

有相觀滅無相觀生名細相現行障。卽前六地無染淨道。任無相觀名細現行。彼障下釋斷二愚。卽細生滅。以生滅相障妙無相。故於七地永斷二愚。純於無相作意勤求者。謂前六地雖是純於無相作意勤求。未能空中起有勝行。空中卽無相中也。若無相中而有勝行。方是七地妙無相道。生因滅果。開爲二愚。

八無相中作加行障。謂所知障中俱生一分。令無相觀不任運起。前之五地有相觀多。無相觀少。於第六地有相觀少。無相觀多。第七地中純無相觀。雖恒相續而有加行。由無相中有加行。故未能任運現相。及土。如是加行障八地中無功用道。故若得入第八地時。便能永斷彼永斷。故得二自在。由斯八地說斷二愚。及彼麤重。一於無相作功用愚。二於相中不自在愚。令於相中不自在。故此亦攝土相一分。故八地以上純無漏道。任運起。故三界煩惱永不現行。第七識中細所知障。猶可現起。生空智果不違彼故。

加行障者。障無功行。卽前七地空中勝行。故障八地無功用道。不任運起。問觀相有無。諸地何別。答云。前之五地等。相觀有無。義如文釋。設問云。旣純

無相卽恒相續無功用義何障第八無功用耶故
峇云雖恒等相卽是身土是器界以第七地現身
器時後得智中作意加行方得現故如是下釋斷
二愚卽是加行能所二相謂有加行障無功用加
行滅已現身現土任運現前故云得二自在一於
無相作功用愚者卽前七地能現身土加行功用
二於相中不自在愚者卽前所現身相土相不自
在義故復釋云令於相中不自在故此亦稱土相
一分故問二道二障後三地中有無何別八地下
峇謂於二道純是無漏非有漏道故云任運起故

於二障中唯存所知無煩惱障故云永不現行生
空智果不違彼故者謂第七識煩惱方伏故得人
空法執猶存以人空智不違彼故

九利他中不欲行障謂所知障中俱生一分令於利
樂有情事中不欲勤行樂修已利彼障九地四無礙
解入九地時便能永斷由斯九地說斷二愚及彼麤
重一於無量所說法無量名句字後後慧辯陀羅尼
自在愚於無量所說法陀羅尼自在者謂義無礙解
卽於所詮總持自在於一義中現一切義故於無量
名句字陀羅尼自在者謂法無礙解卽於能詮總持

自在於一名句字中。現一切名句字故。於後後慧辯陀羅尼自在者。謂詞無礙解。卽於言音展轉訓釋。總持自在。於一音聲中。現一切音聲故。二辯才自在。愚障才自在者。謂辯無礙解。善達機宜。巧爲說故。愚能障此四種自在。皆是此中第九障攝。

任運自在。名不欲行。卽前八地無功用道。樂修已利。故於利生不欲勤行。彼障下釋斷二愚。卽是能障四無礙者。故第一種愚障。二無礙解。於無量所說下。釋三種無礙解義。所說之法。卽所詮義名義。無礙解。能說名句。卽能說法名法。無礙解。能所之

後復有展轉辯論言詞。名詞無礙解。陀羅尼者。此云總持。各於一中。現一切故。二辯下。釋第二種愚障。第四無礙解。以能隨宜。巧爲說故。名辨無礙。愚能下。總結二愚障。四無礙名第九障。

十於諸法中。未得自在。障謂所知障中。俱生一分。令於諸法。不得自在。彼障十地大法智雲及所含藏所起事業。入十地時。便能永斷。由斯十地說斷二愚及彼羸重。一大神通愚。卽是此中障所起事業者。二悟入微細秘密愚。卽是此中障大法智雲及所含藏者。諸法未得自在。障者亦前八地無功用道。雙障二

地心法自在故於九地障心自在名不欲行於十地中障法自在名於諸法未得自在通觀所有諸地障法皆前地行能障後地今觀九地心自在行非障十地法自在者應知此障亦從八地中來以無功用障心法故彼障下釋斷二愚卽是能障神通等者謂大法智及大法雲含藏一切神通等事皆是十地法自在義未登十地被愚所障不得現前入十地時得法自在便能永斷天神通者卽所含藏神通事業悟入微細秘密者卽能含藏大法智雲大智普觀大雲普覆故於諸法皆能悟入愚

能障之故說應斷問此障旣斷何不名佛下蒼云此地於法雖得自在而有餘障未名最極謂有俱生微所知障及有任運煩惱障種金剛喻定現在前時彼皆頓斷人如來地由斯佛地說斷二愚及彼麤重一於一切所知境極微細著愚卽是此中微所知障二極微細礙愚卽是此中一切任運煩惱障種故集論說得菩提時頓斷煩惱及所知障成阿羅漢及成如來證大涅槃夫菩提故

此地於法雖得自在而有餘障未名最極謂有下釋有餘障卽二障種由前所說在滿地中時旣淹

又理應進斷所應斷障。彼以等覺名爲滿地。故說金剛喻定。見前項斷餘障。入如來地。由斯下釋斷二愚。卽有餘障。佛地說斷者是說已斷。非佛地斷。以有餘障等覺斷故。極細著者卽所知障。以有所知多執著故。極細礙者卽煩惱障。以有煩惱多障礙故。故集論下引證斷障證果義。成阿羅漢唯斷煩惱。所得涅槃有餘無餘。非無在處。及成如來證大涅槃。夫菩提者一障永斷。二死永亡。證大涅槃。名無在處。證大菩提。名圓滿覺。○一正釋十種竟。成唯識論俗詮卷第九終。

成唯識論俗詮卷第十

天 親 菩 薩 造 頌

護 法 等 菩 薩 造 論

唐 三 藏 法 師 玄 奘 奉 詔 譯

明 西 蜀 沙 門 明 昱 俗 詮

修習位中解釋頌意分四。一廣明轉依。二修斷證義分三。一問答標數。二依數別釋分四。一明十聖地。二修十勝行。三斷十重障分二。一正釋十種。九卷竟。此中第二二障所攝。

此十一障二障所攝。煩惱障中見所斷種於極喜地。

見道初斷彼障現起地前已伏。修所斷種。金剛喻定。現在前時。一切頓斷。彼障現起地前漸伏。初地以上。能頓伏盡。令永不行。如阿羅漢。由故意力。前七地中。雖暫現起。而不爲失。八地以上。畢竟不行。

總舉煩惱所知二障攝前諸障。前標十障。今舉十一者。爲前十地斷障之後。復有着礙二愚名。有餘障。故有十一。深密經云。善男子。此諸地中。有二種愚癡。十一種麤重。瑜伽云。永斷最極微細煩惱。及所知障。無着無礙。於一切種所知境界。現正等覺。故第十一說名佛地。煩惱障中。分別起者是。

見所斷。以真見道能頓斷故。彼現起時。從無始來。直至地前。加行漸伏。現行。初地已斷種子。若俱生者。是修所斷。直至等覺。金剛喻定。現前頓斷。彼現起時。亦從無始。乃至地前。起四加行。唯得漸伏。初地以上。至第八地。能頓伏盡。如阿羅漢者。喻此煩惱。永不行義。問云。旣如羅漢。令永不行。何前七地。猶起貪等。答云。前七地中。雖亦暫起。貪等煩惱。爲度衆生。故意而起。起。不爲失。八地以上。畢竟不行者。以八地中。無功用故。於九地中心自在故。若登十地。法自在故。故後三地。化利有情。已得任運。及

二自在不由故意起貪瞋等。故說煩惱畢竟不行。所知障中見所斷種於極喜地見道初斷彼障現起地前已伏。修所斷種於十地中漸次斷滅。金剛喻定現在前時方永斷盡。彼障現起地前漸伏。乃至十地方永伏盡。八地以上六識俱者不復現行。無漏觀心及果相續能違彼故。第七俱者猶可現行。法空智果起位方伏。前五轉識設未轉依。無漏伏故障不現起。雖於修道十地位中皆不斷滅。煩惱障種而彼麤重亦漸斷滅。由斯故說二障麤重。一一皆有三位斷義。雖諸位中皆斷麤重。而三位顯是故偏說。

釋所知障分別起者是見所斷。以真見道能頓斷。故彼現起時從無始來。直至地前加行漸伏現行。初地已斷種子。若俱生者是修所斷。彼十無明名不染汗。故於十地漸次斷滅。乃至等覺金剛喻定現前頓斷。彼現起時亦從無始。至於地前加行漸伏。登初地來漸伏漸斷。乃至十地方永伏盡。八地下。釋所知障於後三地隨識有無。謂第六俱所知障種於後三地不起現行。無漏觀心智及無漏真。如果相續無間能違彼故。第七識俱細所知障猶可現行於第十地得法自在。法空智起彼障方伏。

前五轉識相應心品雖未轉依成所作智於後三地是無漏位障伏不起。問云二障體同何不同。斷答云雖修道中不斷煩惱而彼種子亦漸斷滅。三位斷二障者一見道位頓斷分別二障種子。二修道位漸次伏斷俱生煩惱所知種現三金剛定能永斷盡二障種子。問前說十地各斷一障二愚及彼麤重何唯三位斷耶。答云雖於十地漸伏漸斷然三斷道名相顯勝故偏說之。

斷二障種漸頓云何第七識俱煩惱障種三乘將得無學果時一剎那中三界頓斷所知障種將成佛時一剎那中一切頓斷任運內起無麤細故餘六識俱煩惱障種見所斷者三乘見位真見道中一切頓斷修所斷者隨其所應一類二乘三界九地一一漸次九品別斷一類二乘三界九地合爲一聚九品別斷菩薩要起金剛喻定一剎那中三界頓斷。

問答以明斷障漸頓先釋第七識俱二障俱是頓斷無漸斷義無學果者二乘出三界菩薩第八地以不動地名無學故故說三乘無學果時頓斷三界煩惱障種又第七俱所知障種唯菩薩斷故成佛時一切頓斷任運內起無麤細者謂第七識煩

惱所知俱無分別。無見所斷。純是俱生。唯修所斷。任運內起。是俱生義。無分別起。故名無麤。對麤說。細既無麤。名細。亦不說。故云無麤。細故。餘六下。次釋前六識。俱煩惱障。種頓漸斷義。若見所斷。唯是頓斷。故云三乘見位。真見道中。一切頓斷。若修所斷。隨其所應。二乘有利鈍菩薩。一刹那。故隨所應。有頓漸故。二乘見道。同在欲界。於欲界中。卽證初果。菩薩見道。加行無間。卽登初地。故於初地。得證人空。初一類下。釋鈍根。漸出離者。於三界中。共有九地。欲界。唯有五趣。雜居一地。色界。四禪。名爲四

地。無色。四空。亦名四地。地。各九品。分輒中上。預流果人。斷欲界修所斷惑。至第五品。卽中中品。名一來向。至第六品。卽中輒品。證一來果。以有餘惑。必一來生。名一來果。斷至第八。卽輒中品。名不還向。至第九品。卽輒輒品。證不還果。欲界惑盡。必不來生。故名不還。此第三果。居色淨居。斷上八地。各九品。思至七十一。卽第九地。輒中品。惑名羅漢向。斷最後品。名輒輒品。證羅漢果。以盡煩惱。名阿羅漢。次一類下。釋利根。頓出離者。謂於三界九地。煩惱合爲一聚。共作九品。從上中輒九品。別斷。雜集十

三卷云復次如說預流補特伽羅此有二種。一漸出離。二頓出離。漸出離者如前廣說。頓出離者謂入現觀已依止未至定發出世間道。頓斷三界一切煩惱。品別斷唯立二果。謂預流果。阿羅漢果。品品別斷者。謂先頓斷欲色無色界修所斷上品。隨眠如是。乃至輒輒品頓斷三界者。謂如見道所斷。非如世間道界地品品別斷。此義以何爲證。如指端經說。諸所有色。乃至識。若過去若未來。若現在。廣說乃至若遠若近。總此一切。畧爲一分。一團一積一聚。如是畧已。應觀一切皆是無常。一切

皆苦。乃至廣說。依如是義。但可建立初後二果。不立第二第三名。頓出離。菩薩下釋菩薩乘於餘六識相應煩惱。亦唯頓斷。無漸斷義。謂彼煩惱初地頓伏。至金剛定。頓斷彼種。又餘六識相應煩惱。二乘見修二位隨斷。無金剛位。菩薩見道及金剛斷。無修道斷。以永伏故。

所知障種初地初心頓斷。一切見所斷者。修所斷者。後於十地修道位中。漸次而斷。乃至正起金剛喻定。一剎那中方皆斷盡。通緣內外麤細境生品類差別。有衆多故。二乘根鈍。漸斷障時。必各別起。無間解脫。

加行勝進或別或總菩薩利根漸斷障位非要別起無間解脫。剎那剎那能斷證故。加行等四剎那剎那前後相望皆容具有。

釋餘六識俱所知障唯菩薩斷。見所斷者緣外境麤是分別起。見道頓斷。修所斷者緣內境細是俱生故。修道方斷。通緣下總結前頓漸斷有兩種。二乘下別釋。鈍根漸斷障時必各別起。無間解脫。因時望果名無間道。以近果故。果時望因名解脫道。以離因故。爲由此道證斷煩惱所得解脫。加行勝進或總起。或別起。所有順決擇分善根名加行道。

所有前前望後後進名勝進道。菩薩下釋彼根利。漸斷障位。智起感除分證真理。非要別起。無間解脫。以加行等四種斷道剎那前後皆容具。故故不別起。○一二障所攝竟。通上三斷十重障竟。下四證十真如。

十真如者。一徧行真如。謂此真如。二空所顯。無有一法而不在故。二最勝真如。謂此真如。具無邊德。於一切法最爲勝故。三勝流真如。謂此真如。所流教法。於餘教法。極爲勝故。四無攝受真如。謂此真如。無所繫屬。非我執等所依取故。五類無別真如。謂此真如。類

無差別非如眼等類有異故。

總牒前科文中別釋。徧是周徧行是行相。謂此真如徧一切處而顯行相故於初地頓斷分別二障所顯真如極喜證故。最勝真如。二地所證。以二地中具淨尸羅名道共戒戒爲德本故云。具無邊德於一切法最爲勝故。勝流真如。三地所證。以三地中勝定總持流出無邊妙慧故。於餘法極爲勝故。梁攝論云。從真如流出正體智。正體智流出後得智。後得智流出大悲。大悲流出十二部經。名爲勝流法界。無攝受者。無執取義。以四地中分證菩提。

名出世道無界繫屬。遠離身見故。無我執所依取。故世親菩薩云。於此如中無計我所無攝我所。如北州人無繫屬故。應知此如非是我執我慢我愛無明邊執見等所依取。故無別真如。五地所證。以五地中真俗兩智合令相應。故名無別。

六無染淨真如。謂此真如本性無染。亦不可說。後方淨故。七法無別真如。謂此真如雖多教法種種安立。而無異故。八不增減真如。謂此真如離增減。執不隨淨染。有增減。故卽此亦名相土自在。所依真如。謂若證得此真如已。現相現土俱自在。故九智自在。所依

真如謂若證得此真如已於無礙解得自在故。十業自在等所依真如謂若證得此真如已曾於一切神通作業總持定門皆自在故。

無染淨者根本智也以六地中深觀緣起引無分別本智現前故云本性無染亦不可說後方淨故。無性菩薩云由緣起智令無分別智得現前悟一切法無染無淨法無別者七地所證妙無相道。卽相無相名妙無相故云種種安立而無異故。慈恩大師云雖諸教法依如建立如無異故。又於教中立種種名法界實相等而如無異不增減真如卽

八地所證以八地中不隨淨增不隨染減亦名相土所依者亦八地中無功用道任運現身及現土相俱得自在亦是此中不增減義無性菩薩云法外無用所以不增法體不壞所以不減。世親菩薩云於諸相中而得自在隨其所欲卽能現故。如欲令土成金寶等隨意成故。相約現身土約毘界智自在者卽心自在故九地中證此真如得心自在成就四種無礙解故業自在等等諸法業卽十地中證此真如得法自在故於神通作業總持定門皆得自在。

雖真如性質無差別而隨勝德假立十種雖初地中已達一切而能證行猶未圓滿爲令圓滿後後建立設有問云真如一體何有十耶故此答云雖真如等又問云既是假立一達一切何復建立餘九種耶故又答云雖初地中等古德引慈恩疏有展轉多難文繁不錄○四證十真如竟通上二依數別釋竟下三總結修證

如是菩薩於十地中勇猛修行十種勝行斷十重障證十真如於二轉依便能證得

總結廣辯十地十行及斷十障證十真如四科之

義顯二轉依由此證得○三總結修證竟通上二修斷證義竟下三轉依六位

轉依位別畧有六種一損力益能轉謂初二位由習勝解及慚愧故損本識中染種勢力益本識內淨種功能雖未斷障種實證轉依而漸伏現行亦名爲轉二通達轉謂通達位由見道力通達真如斷分別生二障麤重證得一分真實轉依三修習轉謂修習位由數修習十地行故漸斷俱生二障麤重漸次證得真實轉依攝大乘中說通達轉在前六地有無相觀通達真俗間雜現前令真非真現不現故說修習轉

在後四地純無相觀長時現前勇猛修習斷餘麤重
多令非真不顯現故。

總標六種文中別釋力卽勢力能謂功能謂於資
糧加行二位已悟唯識相性名爲勝解已發大菩
提心名爲慚愧學修現觀漸伏麤惑名損染種勢
力勤修六度發三勇猛名益淨種功能問地前三
賢未登聖位何名轉依答雖未斷障等以真見道
得根本智親緣真如故各通達斷分別起二障種
盡得證二空俱生猶存故云一分修謂修持初心
不退習謂習學淨行隨增故於十地數修施等十

種勝行漸斷俱生煩惱所知分證十地十種真如
名真實轉引攝大乘釋二轉依通十地義彼以前
六有無相通釋通達轉後四地中無相修習釋修
習轉多令非真不顯現者不無有少所以前云第
七所知於八地中猶可現行。

四果圓滿轉謂究竟位由三大劫阿僧企耶修習無
邊難行勝行金剛喻定現在前時永斷本來一切麤
重頓證佛果圓滿轉依窮未來際利樂無盡五下劣
轉謂二乘位專求自利厭苦欣寂唯能通達生空真
如斷煩惱種證真擇滅無勝堪能名下劣轉六廣大

轉謂大乘位爲利他故趣大菩提生死涅槃俱無欣厭具能通達二空真如雙斷所知煩惱障種頓證無上菩提涅槃有勝堪能名廣大轉此中意說廣大轉依捨二麤重而證得故

前所轉依但名分證此中究竟故名圓滿由三大下牒前因行金剛下釋斷惑證果等覺位中普光明等十大三昧名金剛定俱生二障極微細種名本來麤重修因歷多劫證果一刹那故名頓證來際可窮果終不退恒化有情利樂無盡怖大樂小故名下劣以彼二乘樂獨善寂唯證人空於利生

事心不喜樂速斷煩惱證真擇滅名下劣轉堪紹佛位任度有情故名廣大謂菩薩乘欣大悲心利生爲事故於生死無出離心又於涅槃不欣靜想二空俱證二障頓除菩提涅槃不求自得名廣大轉此中下釋此頌中說轉依意唯取第六廣大轉依不同二乘獨斷煩惱故云捨二麤重而證得故○三轉依六位竟下四轉依四義分四一能轉道轉依義別畧有四種一能轉道此復有二一能伏道謂伏二障隨眠勢力今不引起二障現行此通有漏無漏二道加行根本後得三智隨其所應漸頓伏彼

二能斷道。謂能永斷二障隨眠。此道定非有漏。加行有漏。曾習相執。所引未泯相故。加行趣求所證。所引未成辦故。

總標四種文中別釋。能轉卽智。智能轉妄復真。故名能轉。先伏後斷。故又分二。一能伏者。謂二障種有生現行勢力。以修六度及加行等智伏之。故云令不引起。二障現行。此通下。釋通有漏無漏及頓漸伏惑義。謂六行漸伏。唯通有漏。加行後得亦唯漸伏。通漏無漏。根本頓伏。唯通無漏。故云隨其所應。漸頓伏彼。能斷道者。謂起根本無分別智。方能

永斷二障隨眠。故說此道定非有漏。及加行智。有漏下。釋成。謂第七識念念執我。令第六識所行施等。不能忘相。故名曾習相執。雖有漏道常起現行。而不爲損。亦無所益。故能斷道。唯取無漏。又加行智。卽勤勇樂欲求所證。果所引發。故但能伏惑。及至斷時。唯本後智。故能斷道。不用加行。

有義根本無分別智親證二空。所顯真理無境相。故能斷隨眠。後得不然。故非斷道。有義後得無分別智。雖不親證二空真理。無力能斷迷理隨眠。而於安立非安立。相明了現前無倒證。故亦能永斷迷事隨眠。

故瑜伽說修道位中。有出世斷道。世出世斷道。無純世間道能永害隨眠。是會習故。相執引故。由斯理趣。諸見所斷及修所斷。迷理隨眠。唯有根本無分別智。親證理故。能正斷彼。餘修所斷迷事隨眠。根本後得。俱能正斷。

初義謂後得智不斷隨眠。理猶未盡。次義正理謂根本智迷理迷事二種隨眠。俱能正斷。後得但斷迷事隨眠。相觀分明。無倒證故。分別迷心名迷理。任運迷境名迷事。是二別義。故瑜伽下引證上義。出世斷道卽根本智。世出世斷道卽後得智。純世

間道卽前所除有漏加行。以有漏道是會習故。相執引故。又加行智地前伏除分別二執。未能永斷。亦是世間。故云無純世間道能永害隨眠。雜集云。從初靜慮乃至非想。唯是世間。不明了想。恒現前。故由斯下總結二智俱能斷惑。義有別故。迷理隨眠。通見修者。六卷云。分別起惑及細俱生皆迷理也。○一能轉道竟。下二所轉依。

二所轉依。此復有二。一持種依。謂根本識。由此能持染淨法種。與染淨法俱爲所依。聖道轉令捨染得淨。餘依他起性。雖亦是依。而不能持種。故此不說。二迷

悟依謂真如。由此能作迷悟根本。諸染淨法依之得生。聖道轉令捨染得淨。餘雖亦作迷悟法依。而非根本。故此不說。

所轉卽是漏無漏種種。必有依名所轉依。依有真妄復分爲二。一持種依者。謂有虛妄分別本識。能持一切染淨法種。故爲所依。修聖道時轉令捨染得淨法故。問依他起性。豈非染淨依耶。答餘依他等迷悟依者。謂有真實真如性。故能作迷悟生起根本。故染淨法依之得生。修聖道時轉令捨染得淨法故。問餘依他起。豈非迷悟依耶。答餘雖亦作

等○二所轉依竟。下三所轉捨。

三所轉捨。此復有二。一斷捨。謂二障種。真無間道。現在前時障治相違。彼便斷滅。永不成就。說之爲捨。彼種斷故。不復現行。妄執我法。所執我法。不對妄情。亦說爲捨。由此名捨。編計所執。二所棄捨。謂餘有漏劣無漏種。金剛喻定。現在前時。引極圓明純淨本識。非彼依故。皆永棄捨。彼種捨已。現有漏法及劣無漏。畢竟不生。既永不生。亦說爲捨。由此名捨。生死劣法。有義所餘。有漏法種及劣無漏。金剛喻定。現在前時。皆已棄捨。與二障種俱時捨故。有義爾時。猶未捨彼。

與無間道不相違故菩薩應無生死法故此位應無所熏識故住無間道應名佛故後解脫道應無用故由此應知餘有漏等解脫道起方棄捨之第八淨識非彼依故

所轉同前漏無漏種二非真實可斷可棄名所轉捨前斷後棄復分爲二一所斷捨者真智除惑名斷示不成就名捨彼種下謂斷二障種子不起我法現行無現行故不對妄情由此便捨偏計所執所棄捨者勝法圓明劣法自遠所依純淨染不能依名所棄捨餘有漏法卽異熟果劣無漏者卽變

易死二種捨已彼二現行畢竟不生亦說爲捨既捨種子亦捨現行由此下明變易生死爲劣分段生死爲勝初義未正謂有漏種及劣無漏金剛喻定現前捨故次義正理謂金剛定時但斷二障種微細種猶未捨彼漏無漏法與無間道不相違者無間在因不違因種意顯果位方與因違菩薩應無生死法者謂變易生死從有漏與劣無漏種生此種若斷無變易故此位應無所熏識者以無間道猶有持種異熟識故住無間道應名佛者謂無間道既無諸種何不名佛後解脫道應無用者前

既成佛後起解脫復何所用。由此下結成正義。○
三所轉捨竟。下四所轉得分。二所顯得分五。一

總標涅槃

四所轉得此復有二。一所顯得謂大涅槃。此雖本來
自性清淨。而由客障覆令不顯。真聖道生斷彼障故
令其相顯。名得涅槃。此依真如離障施設。故體卽是
清淨法界。

所轉卽前所斷二障。障盡得果名所轉得。得由生
顯復分爲二。一所顯得者。謂大涅槃。問涅槃自性
本來清淨。何名所顯。答此雖本來等。問既有障染。

何名本來自性清淨。答此依等。○一總標涅槃竟
下二別釋四種。

涅槃義別。畧有四種。一本來自性清淨涅槃。謂一切
法相真如理。雖有客染。而本性淨具無數量微妙功
德。無生無滅。湛若虛空。一切有情平等共有。與一切
法不一不異。離一切相。一切分別。尋思路絕。名言道
斷。唯真聖者自內所證。其性本寂。故名涅槃。二有餘
依涅槃。謂卽真如。出煩惱障。雖有微苦。所依未滅。而
障永寂。故名涅槃。三無餘依涅槃。謂卽真如。出生死
苦。煩惱既盡。餘依亦滅。衆苦永寂。故名涅槃。四無住

處涅槃謂卽真如出所知障。大悲般若常所輔翼。由斯不住生死涅槃。利樂有情窮未來際。用而常寂故名涅槃。

謂此涅槃是圓寂理。一切法中同一實相。由聖凡位有差別。故分爲四種。文中別釋。本來自性者。不簡凡聖及色心等。皆具圓寂真如性。故故云一切法相真如理。雖有下釋。本來清淨平等共有義。與一切法下釋名涅槃義。梵語涅槃。此云圓寂。寂則不與諸法一。以諸法相各顯現故。圓則不與諸法異。異諸法者不圓滿故。離一切相一切分別者釋。

體清淨。尋思路絕。名言道斷者。釋離分別。唯真見道人。聖位者。自內所證。其性本寂。非使能寂。故云本來自性涅槃。有餘依者。謂有分段生死苦所依也。以諸聖者最後苦身未曾滅故。唯煩惱障。種現永寂。卽名涅槃。瑜伽云。住有餘依。墮在衆數。猶有衆苦。所得轉依。猶與六處而共相應。言衆數者。卽五蘊身。身爲苦聚。故名衆苦。有微苦者。彼雖出障未離最後分段生死。故有微苦。無餘依者。無最後身苦所依也。故云真如出生死苦障盡。苦滅。顯真如體圓滿寂滅。故名涅槃。瑜伽云。住無餘依。不墮

衆數永無衆苦。而於六處永不相應。無任處者。不任生死及涅槃故。若任涅槃無度生用。若任生死無斷障用。又能斷障。及能度生。故名無任。雖有無涯利生大用。其體本寂。名爲涅槃。不同二乘。任涅槃義。○二別釋四種竟。下三凡聖有無。

一切有情皆有初一。二乘無學容有前三。唯我世尊可言具四。

此簡凡聖涅槃有無。一切有情無後三者未斷障故。二乘唯三無後一者任涅槃故。唯我世尊具四種者圓滿證故。○三凡聖有無竟。下四問答廣辯。

分三。一如來涅槃。

如何善逝有有餘依。雖無實依而現似有。或苦依盡說無餘依。非苦依在說有餘依。是故世尊可言具四。善逝者如來十號之一也。善入塵勞故曰善逝。此問世尊遠離二種生死。何有餘苦所依。答云世尊雖無實苦所依。而現比丘同斷煩惱。似有苦依。故說有餘。或苦依盡可說二乘人無餘依。非苦依在。方說如來有有餘依。以現似苦亦可說爲有餘依。也是故世尊於四涅槃圓滿具足。○一如來涅槃竟。下二聲聞涅槃。

若聲聞等有無餘依。如何有處說彼非有。有處說彼都無。涅槃豈有餘依。彼亦非有。然聲聞等。身智在時。有所知障。苦依未盡。圓寂義隱。說無涅槃。非彼實無煩惱。障盡所顯。真理有餘涅槃。爾時未證。無餘圓寂。故亦說彼無無餘依。非彼後時滅身智已。無苦依盡。無餘涅槃。或說二乘無涅槃者。依無住處。不依前三。又說彼無無餘依者。依不定性。二乘而說。彼纔證得有餘涅槃。決定迴心求無上覺。由定願力。留身久住。非如一類入無餘依。

若聲聞下問也。謂於餘處有二說異。一說聲聞唯

有餘依。無無餘依。以無餘依是佛果故。二說聲聞都無涅槃。豈有下答上問中第二說義。謂盡煩惱者。豈彼無涅槃。有餘涅槃亦定有故。然聲下釋。有餘依涅槃。身卽最後身。智卽能斷智。煩惱雖斷。身智猶存。故令無餘圓寂義隱。說彼無有無餘涅槃。非彼都無有餘義。故爾時下答上問中第一說。無無餘依義。爾時者。卽煩惱障盡。證有餘涅槃時也。此時未證。無餘圓寂。說無無餘。非彼後時身智俱滅。衆苦永盡。無有無餘涅槃義故。或說下又作一意解釋。問中第二說義。謂依佛果故。說都無。不

依前三而言無也又說下亦別一意釋上問中第一說義不定性者不是定要斷苦入圓寂之種性也故說剛纔證得有餘涅槃決定迴心求證菩提入菩薩道由彼決定願樂力故留身久住隨願度生非如定性一類聲聞定要斷苦入於圓寂依此種故故說聲聞無無餘依問有餘無餘二種涅槃如何證得下文答釋

謂有二乘深樂圓寂得生空觀親證真如永滅感生煩惱障盡顯依真理有餘涅槃彼能感生煩惱盡故後有異熟無由更生現苦所依任運滅位餘有爲法既無所依與彼苦依同時頓捨顯依真理無餘涅槃爾時雖無二乘身智而由彼證可說彼有此位唯有清淨真如離相湛然寂滅安樂依斯說彼與佛無差但無菩提利樂他業故復說彼與佛有異

此是釋詞謂有下釋證有餘涅槃深樂圓寂者顯是定性聲聞也彼能下釋證無餘涅槃現苦者現在生死苦也有爲者色心等有作用法也身智俱捨名無餘依是涅槃義問既無身智誰證涅槃答云爾時雖是無有最後身智顯依圓寂入無餘依由彼身智證可說有身智八卷云依變化身證無

上覺非業報身故不違理問無餘涅槃與佛無差
何故二乘與佛有異答云依真如體說無差依真
如用說有異故知聲聞有體無用以彼無有利生
用故唯佛世尊體用圓具○二聲聞涅槃竟下三
二障涅槃

諸所知障既不感生如何斷彼得無住處彼能隱覆
法空真如令不發生大悲般若窮未來際利樂有情
故斷彼時顯法空理此理卽是無住涅槃令於二邊
俱不住故若所知障亦障涅槃如何斷彼不得擇滅
擇滅離縛彼非縛故既念斷彼寧得涅槃非諸涅槃

皆擇滅攝不念性淨應非涅槃能縛有情住生死者
斷此說得擇滅無爲諸所知障不感生死非如煩惱
能縛有情故斷彼時不得擇滅然斷彼故法空理顯
此理相寂說爲涅槃非此涅槃擇滅爲性故四圓寂
諸無爲中初後卽真如中二擇滅攝

諸所知下問所知障是無記性不能正感生死如
何斷彼亦得涅槃彼能下答謂所知障障法空智
不生悲願利樂有情故斷障時顯法空理卽無住
處生死涅槃俱不住故若所知下復問云既斷所
知得無住處是所知障亦障涅槃何斷所知不得

擇滅彼說擇滅是涅槃義擇滅離縛彼非縛故者
答也。謂擇滅無爲離煩惱縛而證得故彼所知障
性非有縛故斷彼時不得擇滅。既亦斷彼寧得涅槃者
外人又問非諸下論王答謂諸涅槃有擇滅攝
有非擇滅攝。故云非諸涅槃皆擇滅攝。不亦下
謂若不許非擇滅攝者本性清淨應非涅槃。能縛
下釋擇滅義。諸所知下釋斷所知不得擇滅義。然
斷彼下釋無任涅槃非擇滅爲性。故四下釋四涅槃
於六無爲有攝不攝。初卽自性清淨涅槃。後卽
無任處涅槃。唯真如無爲攝。中二者卽有餘涅槃。

無餘涅槃唯擇滅無爲攝。

若唯斷縛得擇滅者不動等二四中誰攝。非擇滅攝。
說暫離故擇滅無爲唯究竟滅。有非擇滅非永滅故。
或無任處亦擇滅攝。由真擇力滅障得故。擇滅有二。
一滅縛得。謂斷惑生煩惱得者。二滅障得。謂斷餘障
而證得者。故四圓寂諸無爲中初一卽真如。後三皆
擇滅。不動等二暫伏滅者非擇滅攝。究竟滅者擇滅
所攝。既所知障亦障涅槃。如何但說是菩提障。說煩惱
障但障涅槃。豈彼不能爲菩提障。應知聖教依勝
用說。理實俱能通障二果。

問六無爲中不動滅無爲受想滅無爲於四圓寂中是誰所攝答中非擇滅者不同中二涅槃究竟永滅不動等二說暫離故問擇滅法中有非擇滅否答擇滅無爲唯究竟滅有非擇滅非永滅故或無下又作一意解無任處亦擇滅攝問既後涅槃亦擇滅攝豈不濫同中二耶答中謂雖名擇滅有二義別有餘無餘是滅縛得斷感生死煩惱得故無任涅槃是滅障得斷盡餘障而證得故故四下釋四涅槃於六無爲攝不攝義不動等二無爲非擇滅攝例顯後三涅槃是擇滅攝既所知下外人

難說煩惱下論王答引煩惱障例明所知聖教依勝各說障一理實二障通障二果○三二障涅槃竟通上四問答廣辯竟下五通結所顯如是所說四涅槃中唯後三種名所顯得

總結四涅槃中唯後三種所顯得攝非第一者以彼自性本清淨故○五通結所顯竟通上一所顯得竟下二所生得分二一總標菩提

二所生得謂大菩提此雖本來有能生種而所知障礙故不生由聖道力斷彼障故令從種起名得菩提起已相續窮未來際此卽四智相應心品

二所生得謂大菩提者。牒科標舉。問菩提自性。既是本有何名所生。答此大覺體。雖是本來有能生種。而所知障礙。故不生。由諸聖者。以修道力。斷彼障。故令從種起。名得菩提。相續無盡。又所知障。是心心所分別而生。菩提智種。亦心心所無分別起。今轉所知證菩提者。以智爲體。故云此卽四智相應心品。○一總標菩提。竟下二別釋智品。分六一四種智體。

云何四智相應心品。一大圓鏡智相應心品。謂此心品。離諸分別。所緣行相。微細難知。不妄不愚。一切境

相。性相清淨。離諸雜染。純淨圓德。現種依持。能現能生。身土智影。無間無斷。窮未來際。如大圓鏡。現衆色像。

云何下標問。言鏡智者。從喻得名。佛地經云。復次妙生。大圓鏡智者。如依圓鏡。衆像影現。如是依止。如來智鏡。諸處境識。衆像影現。唯以圓鏡爲譬。喻者。當知圓鏡。如來智鏡。平等平等。是故智鏡。名圓鏡。智。謂此心品。離諸分別者。顯此智體。一切煩惱。所知障垢。永出離故。所緣行相。微細難知者。非愚昧等智。可知故。不妄不愚。一切境相者。莊嚴論云。

大圓鏡智曾於一切所知障境不愚迷故性相清淨離諸雜染者智體光明鑑淨無垢故純淨圓德現種依持者唯無漏德所依止故能現能生身上智影者一切身上此智能現餘三種智是此智影故云能生無間無斷窮未來際者顯寂常義如大圓鏡現衆色像者顯光明義

二平等性智相應心品謂此心品觀一切法自他有情悉皆平等大慈悲等恒共相應隨諸有情所樂示現受用身上影像差別妙觀察智不共所依無任涅槃之所建立一味相續窮未來際

言平等者從所證得名佛地經云復次妙生平等性智者由十種相圓滿成就所謂證得諸相增上喜愛平等一切領受緣起平等遠離異相非相平等弘濟大慈平等無待大悲平等隨諸衆生所樂示現平等一切衆生敬愛所說平等世間寂靜皆同一味平等世間諸法苦樂一味平等修植無量功德究竟平等證此十相故名平等故論云謂此心品等妙觀察智不共所依者所依卽根以智各有所依之根名不共依妙觀智以平等智爲不共依平等亦以圓鏡爲依故云無任涅槃之所建立

一味相續窮未來際者顯常住義。

三妙觀察智相應心品。謂此心品善觀諸法自相共相無礙而轉攝觀無量總持之門。及所發生功德珍寶。於大眾會能現無邊作用。差別皆得自在。用大法再斷一切疑。令諸有情皆獲利樂。

妙觀察者從攝持所觀境立名。佛地經云如是如來妙觀察智住持一切陀羅尼門。三摩地門。無礙辯說諸佛妙法。又云能為頓起一切所知無礙妙智種種無量相識因緣。又云種種可說波羅密多。菩提分法。十力無畏。不共佛法之所莊嚴。甚可愛。

樂言攝觀者攝者藏也。觀卽觀察。以此智品於總持門。善能觀察。亦能攝藏。不忘失故。言功德珍寶者。卽六度道品等。作用差別者。卽神通妙用等。

四成所作智相應心品。謂此心品爲欲利樂諸有情。故曾於十方示現種種變化。三業成本願力所應作事。

成所作者。從作三業得名。佛地經云。由是如來勤身化業。示現種種工巧等處。摧伏諸技傲慢衆生。以是善巧方便力。故引諸衆生。令入聖教成熟解脫。由是如來慶語化業。宣揚種種隨所樂法文義。

明識作言
三十一
巧妙小智衆生初聞尚信。以是善巧方便力。故引諸衆生。令入聖教。成熟解脫。由是如來決意化業。決擇衆生八萬四千人。行差別。以是善巧方便力。故引諸衆生。令入聖教。成熟解脫。餘身語意文繁不引。○一四種智體竟。下二心品名智。

如是四智相應心品。雖各定有二十二法。能變所變。種現俱生。而智用增。以智名顯。故此四品。總攝佛地一切。有爲功德。皆盡。此轉有漏八七六五識。相應品。如次而得。智雖非識。而依識轉。識爲主。故說轉識得。又有漏位智劣識強。無漏位中。智強識劣。爲勸有情。依智捨識。故說轉八識。而得此四智。

總結四智轉心品得。二十二者。謂此四智能轉心品各一十二。卽徧行五別境。亦五善位十一。尋伺位中。隨取一法。爲二十二。故此下。通明八識相應心品。卽此四智。以前五識共轉一智。卽成四種。故此意云。若不以二十二法爲體者。則於佛地。有爲功德。攝不能盡。而總攝盡佛功德者。是轉八識相應心品。如次而得。四種智故。問他處。言轉八識成四智。何云相應心品耶。答云。智雖非識。漏無漏位。強劣相反。欲令有情。依智捨識。說識轉得。○二心

品名智竟。下三轉智位次。

大圓鏡智相應心品有義。菩薩金剛喻定。現在前時。卽初現起。異熟識種與極微細所知障種俱時捨故。若圓鏡智爾時未起。便無能持淨種識故。有義此品。解脫道時初成佛故。乃得初起。異熟識種金剛喻定。現在前時。猶未頓捨。與無間道不相違故。非障有漏。劣無漏法。但與佛果定相違故。金剛喻定無所熏識。無漏不增。應成佛故。由斯此品從初成佛盡未來際。相續不斷。持無漏種。令不失故。

通釋四智心品轉依位次。初有義下。未正。謂圓鏡

智金剛定時卽初現起。以異熟種及所知種同時捨故。相應心品亦轉鏡智。若謂爾時鏡智不起。異熟識種亦未轉依。染障旣盡。淨種漸增。爾時何識能持淨種。次有義下。正理。謂此心品直至後時解脫道起。種識俱空。鏡智方起。卽成佛道。故云此品解脫道時初成佛故。乃得現起。異熟識種金剛道時猶未頓捨者。以異熟種與無間道不相違故。又無間道金剛喻定。非障有漏。異熟識種及劣無漏諸法種故。此有漏種及劣無漏。但與佛果定相違故。金剛下。難破前執。謂金剛定若斷識種。應無所

熏若無所熏無漏淨法應不得增。法不增減應成佛果。豈無間道卽成佛耶。故說此品從解脫道初成佛故。盡未來際相續不斷。

平等性智相應心品菩薩見道初現前位。違二執故。方得初起。後十地中執未斷故。有漏等位。或有間斷。法雲地後與淨第八相依相續。盡未來際。

此智因中相應第七恒執我故名不平等。於轉依位恒無我故得平等名。見道現前違二執者是第六識。彼直見道斷分別種顯二空智名下品轉。以第七識恒內執我無分別惑。唯是俱生。由第六識

初轉依時帶起第七轉一分智。以是第六所依根。故後十地中執未斷者。謂第七識俱生二執猶未永滅。智有間斷。至十地後得究竟轉。盡未來際相續不斷。

妙觀察智相應心品。生空觀品二乘見位亦得初起。此後展轉至無學位。或至菩薩解行地終。或至上位。若非有漏或無心時皆容現起。法空觀品菩薩見位。方得初起。此後展轉乃至上位。若非有漏法空智果。或無心時皆容現起。

妙觀察智相應第六意識因中分別我法二執入

諸生死故見道時斷二種障得證二空轉二種智。生空觀品二乘見位得初起者謂彼唯斷分別我執入真見道卽證一分無分別智名生空觀。此後展轉至無學者謂見道後於九地中斷俱生時漸斷漸證斷盡惑種無所斷故名無學位。以二乘人不斷所知無法空智。或至下明菩薩乘解行地者資糧加行共名解行。解行地終卽入見道。或至上位卽是地上。若非有漏卽無漏時。或無心時卽無分別。已上諸處皆容現起生空觀智。法空觀品菩薩見位得初起者謂所知障唯菩薩斷。故於見道

亦斷法執分別一分轉一分智。此後下釋法空智現起分位。上位等名釋義同前。

成所作智相應心品有義菩薩修道位中後得引故亦得初起。有義成佛方得初起。以十地中依異熟識所變眼等。非無漏故。有漏不共必俱同境。根發無漏識理不相應故。此二於境明昧異故。由斯此品要得成佛依無漏根方容現起。而數間斷作意起故。

成所作智因中相應前五轉識能作諸業。轉依後得能起化用得所作名。初義未正謂由第六識之後得智引故。前五識因中初轉。次義正理謂成佛

時方得初起以十地中異熟有漏所變眼等根亦是
是有漏與眼等識爲不共所依俱起同境有漏五
根發無漏識理不相應何以故有漏於境界無漏
於境明故成佛時異熟與眼根俱轉成無漏成所
作智方容現起不同前三相續長時此數間斷作
意方起設問云此四種性爲是本有爲是熏生若
是本有應一切時皆有四智若是熏生應四智體
亦有增減下文答釋

此四種性雖皆本有而要熏發方得現行因位漸增
佛果圓滿不增不減盡未來際但從種生不熏成種

勿前佛德勝後佛故

此是答詞謂此四智雖本有種由二障故成染分
別若悟唯識於解行位加行熏習入真見道方起
現行漸至圓滿盡未來際但從種生不熏成種者
謂但熏長現行不熏生起種子故無曾滅若四智
種復熏成種則後佛智現熏前佛前佛智德應勝
後佛○三轉智位次竟下四四智所緣

大圓鏡智相應心品有義但緣真如爲境是無分別
非後得智行相所緣不可知故有義此品緣一切法
莊嚴論說大圓鏡智於一切境不愚迷故佛地經說

如來鏡智諸處境識眾像現故。又此決定緣無漏種
及身土等諸影像故。行緣微細說不可知。如阿賴耶
亦緣俗故。緣真如故。是無分別緣。餘境故。後得智攝
其體是一。隨用分二。了俗由證真。故說爲後得。餘一
分二。準此應知。

釋鏡智所緣。初義未正。謂圓鏡智但緣真如。以無
後得智故。不緣一切。唯是根本說不可知。次義正
理。謂此智品緣一切法。以圓鏡智照一切故。莊嚴
下。證緣一切境。佛地下。證現一切影。又此下釋成
此品緣一切法。行緣下。破前執義。釋通二智。謂彼

行相所緣微細說不可知。非獨緣真如。名不可知。
故如阿賴耶緣一切境。此圓鏡智亦緣一切世俗
境。故緣真如境。是無分別。若緣餘境。後得智攝。問
原是一體。何得有二。答。其體是一。隨用分二。問。何
名後得。答。了俗由證真。故說爲後得。謂由證真。而
後起者。名後得智。餘分二者。平妙。二智各分爲二。
準此應知。

平等性智相應心品。有義。但緣第八淨識。如染。第七
緣藏識。故有義。但緣真如爲境。緣一切法。平等性故。
有義。徧緣真俗爲境。佛地經說。平等性智。證得十種

平等性故莊嚴論說緣諸有情自他平等隨他勝解
示現無邊佛影像故由斯此品通緣真俗二智所攝
於理無違

釋平等智所緣之境前二義俱偏一唯緣淨識一
但緣真如謂真如體是一切法平等實性故緣真
如名平等智第三義正理謂平等智徧緣真俗二
諦爲境佛地下引證能緣真俗境義十種平等前
四智章中已釋莊嚴下證能徧緣及能現身由斯
下結通二智

妙觀察智相應心品緣一切法自相共相皆無障礙

二智所攝

釋妙觀智通緣一切自相共相者色心等法名爲
一切各別有體名爲自相同是無常苦空等義名
爲共相一切通緣故無障礙緣真俗諦二智所攝
成所作智相應心品有義但緣五種現境莊嚴論說
如來五根一一皆於五境轉故有義此品亦能徧緣
三世諸法不違正理佛地經說成所作智起作三業
諸變化事決擇有情心行差別領受去來現在等義
若不徧緣無此能故然此心品隨意樂力或緣一法
或二或多且說五根於五境轉不言唯余故不相違

隨作意生緣事相境起化業故後得智攝

釋成事智所緣之境初義未正謂但緣於現在五境不緣過去未來境故莊嚴下引證但緣現境次義正理謂成事智徧緣三世佛地經下引證徧緣三世義若不徧緣無佛地經所說功能然此下釋前所引莊嚴論義謂成事智緣一緣多及緣一切故莊嚴論且說五根於五境轉不言此智唯緣五境故不相違隨作下結成此智唯是後得謂前三智皆依心根二智俱通此依色根唯後得智。英大師云變相觀空唯後得果中猶自不詮真。○四四

智所緣竟下五四智用別

此四心品雖皆徧能緣一切法而用有異謂鏡智品現自受用身淨土相持無漏種平等智品現他受用身淨土相成事智品能現變化身及土相觀察智品觀察自他功能過失雨大法雨破諸疑網利樂有情如是等門差別多種。

此四下結前所緣起後用別謂鏡下釋此四智用各別義頌曰鏡平二智現身土自受用今他受用成事智現變化身妙觀說法開疑衆。○五四智用別竟下六通結前科

此四心品名所生得此所生得總名菩提及前涅槃
名所轉得雖轉依義總有四種而今但取二所轉得
頌說證得轉依言故此修習位說能證得非已證得
因位攝故

此四心品名所生得者謂所轉得中分爲二科一
所顯得二所生得此所生得總名菩提者謂此一
科攝四種智合此四智總名菩提故前章云二所
生得謂大菩提乃至此卽四智相應心品及前涅
槃名所轉得者前所顯得顯涅槃今所生得生菩
提雖有菩提涅槃之別唯是所轉得中所攝雖轉

依義總有四種者謂轉依位中科爲四分一能轉
道二所轉依三所轉捨四所轉得而今但取二所
轉得者唯取所顯所生二是所轉得也何以故頌
說證得轉依言故此修下明已證未證以修習位
非已證故○六通結前科竟通上四修習位竟下
五究竟位分三一牒科標問

後究竟位其相云何

雜集云何等究竟道謂依金剛喻定一切麤重永
已息故一切戲論永已斷故永證一切離繫果故
從此次第無間轉依證得盡智及無生智十無學

法等○二牒科標問竟下二舉頌總答。

頌曰 此卽無漏界 不思議善常

安樂解脫身 大牟尼名法

頌初此字卽前二轉依果。無漏界及後二句皆顯二果多種名故。多名之義論中自釋。○二舉頌總答竟。下三解釋頌意分二。一釋第一句分二。一正釋頌意。

論曰前修習位所得轉依應知卽是究竟位相。此謂此前二轉依果。卽是究竟無漏界攝。諸漏永盡非漏。隨增性淨圓明故名無漏界。是藏義。此中含容無邊。希有大功德故。或是因義能生五乘世出世間利樂事。故。

釋初句中此卽無漏四字。論曰下謂前位中轉依卽此位中行相此謂下釋頌言此字是牒前位。二轉依果故云卽是究竟無漏界攝。諸漏下釋轉名無漏言非漏者卽是無漏界。是下釋頌中界字有二義別。含容衆德卽是藏義。出生五乘卽是因義。人乘天乘聲聞緣覺及菩薩乘名爲五乘。○一正釋頌意竟。下二問答廣明。

清淨法界可唯無漏攝。四智心品如何唯無漏道諦。

攝故唯無漏攝。謂佛功德及身土等皆是無漏種性所生。有漏法種已永捨。故雖有示現作生。死身業煩惱等。似苦集諦。而實無漏道諦所攝。

清淨下。問涅槃真如是清淨界。可唯無漏。菩提智品原是色心。何無漏耶。道諦攝。故唯無漏攝者。總答四智心品。是無漏義。謂佛下釋成。以四智品攝盡佛地一切功德。有漏法種已永捨。故者。顯四智品皆是無漏。雖有下釋。利有情事。亦是無漏道諦所攝。此下三師及四問答皆不應理。

集論等說十五界等。唯是有漏。如來豈無五根五識

五外界等。有義如來功德身土甚深微妙。非有非無。離諸分別。絕諸戲論。非界處等法門所攝。故與彼說理不相違。有義如來五根五境妙定生故。法界色攝。非佛五識。雖依此變。然麤細異。非五境攝。如來五識非五識界。經說佛心恒在定故。論說五識性散亂故。第一師引集論難。謂如來同是有漏十五界攝。故云如來豈無五根五識五外界等。第二師謂佛身土非有非無。非十五界。故與集論理不相違。第三師謂如來十五界妙定生故。麤細異。故不同有漏十五界攝。非佛五識者。謂集論說有漏五識定非

佛有雖依下釋上五境雖依有漏五境變現從妙
定生故說爲細非同有漏麤五境攝。如來五識非
同有漏五識界攝。故引經證佛心在定顯集論說
五識散亂。

成所作智何識相應第六相應起化用故。與觀察智
性有何別彼觀諸法自共相等。此唯起化故有差別
此二智品應不並生。一類二識不俱起故。許不並起
於理無違。同體用分俱亦非失。或與第七淨識相應
依眼等根緣色等境。是平等智作用差別。謂淨第七
起他受用身土相者。平等品攝起變化者。成事品攝。

豈不此品攝五識得。非轉彼得體卽是彼。如轉生死
言得涅槃。不可涅槃同生死攝。是故於此不應爲難
成所作智何識相應者。論王問第六相應起化用
者。外人答。與觀察智性有何別者。論王又問。彼觀
下。外人答。謂觀察智觀自共相。成所作智唯起化
用。故有差別。此二下論王難謂二智品若是一類
同依一識起一品時。無第二用。若依二識識體各
別起不同時。故於二義皆不並生。外人釋云。許不
並起於理無違。同體用分俱亦非失。或與下。外人
復謂成事智不但與第六相應。亦與第七淨識相

應雖依眼等緣色等境是平等智作用差別謂淨
下釋差別用論主質云成事智品豈不攝得前五
識耶非轉彼得等外人釋義如文此中論主當有
破詞今試補云生死涅槃雖與識智轉依彷彿而
義有別識智轉依各別有體心所轉智識轉淨識
能依所依染淨俱有生死涅槃原爲一體輪生死
時定無涅槃證涅槃時必無生死何有生死同涅
槃攝故知此釋亦不應理

有義如來功德身土如應攝在蘊處界中彼二皆通
有漏無漏集論等說十五界等唯有漏者彼依二乘

麤淺境說非說一切謂餘成就十八界中唯有後三
通無漏攝佛成就者雖皆無漏而非二乘所知境攝
然餘處說佛功德等非界等者不同二乘劣智所知
界等相故理必應余所以者何說有爲法皆蘊攝故
說一切法界處攝故十九界等聖所遮故若絕戲論
便非界等亦不應說卽無漏界善常安樂解脫身等
又處處說轉無常蘊獲得常蘊界處亦然寧說如來
非蘊處界故言非者是密意說又說五識性散亂者
說餘成者非佛所成故佛身中十八界等皆悉具足
而純無漏

此義正理。謂佛身土如其所應攝在世間五蘊十二處十八界中。而此三科生佛共有。如來所得名爲無漏。衆生所得名爲有漏。集論下釋第一師引集論中意。謂彼論說眼等五根五識色等五塵是十五界。唯有漏者被論。唯依二乘麤淺境說。不依如來。故云非說一切。謂餘下謂諸有所得十八界中。後意根意識及法塵界通無漏攝。故餘十五名爲有漏。佛成就下謂佛所得十八界中。雖皆無漏。非二乘知。故集論說十五界等。唯是有漏。然餘下牒第一師執詞理。必應念者。縱也。所以者何。徵

起上非同界等之義。引聖言難破。謂聖言說佛有爲法。皆五蘊故。說佛一切法。是十八界十二處攝。故十九界等聖所遮。故以一切法不出蘊處界等。若離此三。是十八界外有十九界。十二處外有三處。五蘊之外有第六蘊。故十九界等聖賢所遮。若絕下。復牒執詞。彼謂蘊處界等。不離名言。皆是戲論。難云若絕戲論。便非界等。頌不應說此。卽無漏界。不思議善常安樂解脫身。應知無漏菩提涅槃。皆是名言戲論種攝。但不執着戲論遠離。又處處下釋第三師意。彼說如來十五界妙定生故。麤

細異故不同有漏十五界攝故此破之。界處亦然者謂轉無常界得常界。轉無常處得常處。既許蘊處界法皆常寧說如來非蘊處界。故言非佛根塵識者是密意說及餘所成。故佛下結成正義。○二問答廣明竟。通上一釋第一句竟。下二釋後三句分二。一正釋頌意。

此轉依果又不思議。超過尋思言議道故。微妙甚深。自內證故。非諸世間喻所喻故。此又是善白法性故。清淨法界遠離生滅極安隱故。四智心品妙用無方。極巧便故。二種皆有順益相故。違不善故。俱說爲善。

論說處等不唯無記。如來豈無五根三境。此中三釋廣說如前。一切如來身土等法皆滅道攝。故唯是善。聖說滅道唯善性。故說佛土等非苦集。故佛識所變有漏不善無記相等皆從無漏善種所生。無漏善攝。此又是常無盡期故。清淨法界無生無滅性。無變易。故說爲常。四智心品所依常故。無斷盡。故亦說爲常。非自性常。從因生故。生者歸滅。一向說故。不見色心非無常。故然。四智心品由本願力所化有情。無盡期。故窮未來際。無斷無盡。

此段釋不思議善常。此轉下釋不思議三字。謂轉

依果不但名無漏。菩提涅槃。又名不思議。超過下。釋成此。又下釋善字。清淨下釋涅槃。四智下釋菩提。二種下總釋。二果皆名善義。論說下外人難處。等卽十二處十八界也。論說不唯無記應通三性。則知如來五根三境亦通三性。何說清淨法界四智心品唯是善性。此中下論主釋謂此善中三種釋義廣說如前者前正義云。如來功德身土如應攝在蘊處界中。彼三皆通有漏無漏。又云。故佛身中十八界等皆悉具足。而純無漏。卽此中云。一切如來下。是第一釋。說佛土等非苦集。故是第二釋。

佛識所變等。是第三釋。此又下。釋常字。清淨下。釋涅槃性常。四智下。釋菩提性常。所依者八識體也。非自下。外人難謂菩提果旣從因生。非如涅槃自性常義。四智心品旣屬色心。未有色心不無常者。然四智下。論主答謂雖色心皆是無常。然四智品由願力故。利生無盡。故說爲常。

此又安樂無逼惱故。清淨法界衆相寂靜。故名安樂。四智心品。永離體害。故名安樂。此二自性皆無逼惱。及能安樂一切有情。故二轉依俱名安樂。二乘所得二轉依果。唯永遠離煩惱障縛。無殊勝法。故但名解。

脫身。大覺世尊成就無上寂默法故。名大牟尼。此牟尼尊所得二果。永離二障。亦名法身。無量無邊。力無畏等。大功德法。所莊嚴故。體依聚義。總說名身。故此法身五法爲性。非淨法界。獨名法身。二轉依果。皆此攝故。

此段釋安樂解脫身。大牟尼名法。清淨下。釋涅槃。安樂。四智下。釋菩提安樂。永離體害者。離體自無逼惱。離害安樂。有情。此二下。總釋。一果俱名安樂解脫身。二乘所得。斷盡煩惱。而解脫故。以無利生事業故。云無殊勝法。梵語牟尼。此云寂默。得寂默。

法名大牟尼。此牟尼下。釋法身。體依下。釋身義。言五法者。佛地經云。清淨真如。及四智品名爲五法。清淨法界。涅槃也。四智心品。菩提也。菩提涅槃。通爲法身故。云非涅槃界。獨名法身。二轉依果。法身攝故。○一正釋頌意。竟下。二別明三身分。八。一正明三身。

如是法身有三相別。一自性身。謂諸如來真淨法界。受用變化平等所依。離相寂然。絕諸戲論。具無邊際。真常功德。是一切法平等實性。卽此自性亦名法身。大功德法所依止故。

此明法身攝二身義。佛地經頌云：自性法受用。變化差別轉。彼經論云：雖諸如來所依清淨法界體性無有差別。而有二種。種相異故。轉變不同。故名差別。佛地論云：頌言自性法者。卽是如來初自性身體。常不變。故名自性。力無畏等諸功德法所依止。故亦名法身。故今論中謂諸如來下釋自性身。是受用變化二身所依。具無邊下釋成亦名法身義。

二受用身。此有一種。一自受用。謂諸如來三無數劫。修集無量福慧資糧。所起無邊真實功德及極圓淨。

常徧色身相續湛然。盡未來際。恒自受用廣大法樂。二他受用。謂諸如來由平等智。示現微妙淨功德身。居純淨土。爲住十地諸菩薩衆。現大神通轉正法輪。決衆疑網。令彼受用大乘法樂。合此二種名受用身。佛地論云：頌言受用。卽是次受用身。能令自他受用種種大法樂。故今論中分爲二種。一自受用。謂諸如來三無數劫。修集無量福慧資糧者。從久遠來。修習此身故。所起無邊真實功德者。莊嚴此身故。及極圓淨常徧色身者。得證此身故。相續湛然。盡未來際者。顯此身常故。恒自受用廣大法樂。

者釋唯自利故。二他受用謂諸如來乃至居純淨土者顯此身土唯變化故。爲住十地乃至決衆疑網者釋轉法輪唯爲菩薩故。今彼受用大乘法樂者釋唯利他故。合此二種名受用身者。總上自他俱名受用身故。

三變化身。謂諸如來由成事智變現無量隨類化身。居淨穢土。爲未登地諸菩薩衆。二乘異生。稱彼機宜。現通說法。令各獲得諸利樂事。

佛地論云。頌言變化卽是後變化身。爲欲利益安樂衆生。示現種種變化事故。故今論云。謂諸如來乃至居淨穢土者。謂隨衆生種類若干。現若干身。及若干土。故所居土淨穢不等。爲未登地乃至現通說法者。顯變化身三乘。曾被六趣均霑。故云稱彼機宜。隨類說法。今各獲得諸利樂事者。釋唯利他。前受用身自他俱利。此變化身唯是利他。○一正明三身竟。下二五法三身。

以五法性攝三身者。有義初二攝自性身。經說真如是法身故。論說轉去阿賴耶識得自性身。圓鏡智品轉去藏識而證得故。中二智品攝受用身。說平等智於純淨土爲諸菩薩現佛身故。說觀察智大集會中。

說法斷疑現自在故。說轉諸轉識得受用身故。後一智品攝變化身。說成事智於十方土現無量種難思化故。又智殊勝具攝三身。故知三身皆有實智。

佛地經云有五種法攝大覺地。何等爲五。所謂清淨法界。大圓鏡智。平等性智。妙觀察智。成所作智。有義下未正。謂初二法卽清淨真如。大圓鏡智攝自性身。復引經論證此二法攝自性身。妙觀平等爲中二智。攝受用身。平等下釋現身自在。妙觀下釋說法自在。說轉諸轉下。顯得受用身。後一智品成所作智。攝變化身。成事下釋變化義。又智下引

證三身皆證實智。

有義初一。攝自性身。說自性身本性常故。說佛法身無生滅故。說證因得非生因故。又說法身諸佛共有。徧一切法。猶若虛空。無相無爲。非色心故。然說轉去藏識得者。謂由轉滅第八識中二障。麤重顯法身故。智殊勝中說法身者。是彼依止彼實性故。自性法身雖有真實無邊功德。而無爲故。不可說爲色心等物。四智品中真實功德。

此義正理。正釋五法攝三身義。初一卽真如攝自性身。經說自性身本性真常故。又說佛法身無生。

無滅故說證因得非生因故者因中本具故名證
因從緣起者說名生因以自性身一切衆生平等
共有不同報化從因緣生又說法身諸佛共有者
影顯衆生亦共有故徧一切下點破鏡智色心不
與法身相應然說下釋前師引證義謂彼經說轉
滅第八識中二障種子所顯法身不說法身卽圓
鏡智智殊勝下說四智品依止法身不說三身皆
有實智自性法身下重破前師以圓鏡智攝法身
義

鏡智所起常徧色身攝自受用平等智品所現佛身

攝他受用成事智品所現隨類種種身相攝變化身
說圓鏡智是受用佛轉諸轉識得受用故雖轉藏識
亦得受用然說轉彼顯法身故於得受用略不說之
又說法身無生無滅唯證因得非色心等圓鏡智品
與此相違若非受用屬何身攝又受用身攝佛不共
有爲實德故四智品實有色心皆受用攝

此明智攝自他變化三身非法身義從智所起者
顯實智爲體依智所現者顯體非智問云何知鏡
智攝自受用答說圓鏡智是受用佛轉諸轉識得
受用故外人又問旣云鏡智是受用佛何不云轉

藏識而說轉諸轉識得受用耶答云雖轉藏識等
又說下論主推明法身相違鏡智顯此智品屬受
用身故云若非受用屬何身攝又受用下明唯一
身攝四智品以佛功德遍攝四智自受用故
又他受用及變化身皆爲化他方便示現故不可說
實智爲體雖說化身智殊勝攝而似智現或智所起
假說智名體實非智但說平等成所作智能現受用
三業化身不說二身卽是二智故此二智自受用攝
然變化身及他受用雖無真實心及心所而有化現
心心所法

釋他受用及變化身似智所起假說智名體非實
智故彼經中但說二智能現二身不說二身卽是
二智由此二智自受用攝問若此二身似智所起
名無實心實智云何說法利生答云然變化等謂
此二身唯用化現心心所說法利生設又問云
心事無形何得化現下文答

無上覺者神力難思故能化現無形質法若不尔者
云何如來現貪瞋等久已斷故云何聲聞及傍生等
知如來心如來實心等覺菩薩尚不知故由此經說
化無量類皆令有心又說如來成所作智化作三業

又說變化有依他心依他實心相分現故雖說變化無根心等而依餘說不依如來又化色根心心所法無根等用故不說有

此是釋詞謂證無上菩提者神力難思能化無形心心所法若不化現云何如來現貪嗔等如來貪嗔久已斷故又諸聲聞及傍生等知如來心或慈或威生敬畏皆是化現何以故如來實心等覺菩薩尚不知故况諸聲聞及傍生等由此下引證化現心心所義化無量類令有心者證能化心故作三業者亦證有心故作依他心者依他實心

無所爲故無色心等差別相用者體純一故自受用者一障永斷二死永亡二智圓明二果親證唯自受用名受用身真實功德有作爲故若他下釋他受用及變化身隨意願力現身現土及現心等利樂他故故名化相功德○三身德同異竟下四三身二利

又自性身正自利攝寂靜安樂無動作故亦兼利他爲增上緣令諸有情得利樂故又與受用及變化身爲所依止故俱利攝自受用身唯屬自利若他受用及變化身唯屬利他爲他現故

自性法身。二利兼具。自利爲正。寂靜安樂無動作。故利他爲兼。爲增上緣。攝有情故。以報化身利樂。有情爲正。因緣法身。唯是所依法。故爲增上緣。故說法身自他俱利。餘利自他。如文次第。○四三身。二利竟下五身土相依。

又自性身依法性土。雖此身土體無差別。而屬佛法。相性異故。此佛身土。俱非色攝。雖不可說形量大小。然隨事。相其量無邊。譬如虛空徧一切處。自受用身。還依自土。謂圓鏡智相應淨識。由昔所修自利無漏。純淨佛土。因緣成熟。從初成佛。盡未來際。相續變爲。

無所爲故。無色心等差別。相用者體純一故。自受用者。二障永斷。二死永亡。二智圓明。二果親證。唯自受用。名受用身。真實功德。有作爲故。若他下釋。他受用及變化身。隨意願力。現身現土及現心等。利樂他故。故名化相功德。○三身德同異竟。下四三身二利。

又自性身。正自利攝。寂靜安樂無動作故。亦兼利他。爲增上緣。令諸有情。得利樂故。又與受用及變化身。爲所依止。故俱利攝。自受用身。唯屬自利。若他受用及變化身。唯屬利他。爲他現故。

自性法身。二利兼具。自利爲正。寂靜安樂無動作。故利他爲兼。爲增上緣。攝有情故。以報化身利樂有情爲正。因緣法身。唯是所依法。故爲增上緣。故說法身自他俱利。餘利自他。如文次第。○四三身二利。竟下五身土相依。

又自性身依法性土。雖此身土體無差別。而屬佛法相性異故。此佛身土。俱非色攝。雖不可說形量小大。然隨事相。其量無邊。譬如虛空徧一切處。自受用身。還依自土。謂圓鏡智相應淨識。由昔所修自利無漏。純淨佛土。因緣成熟。從初成佛。盡未來際。相續變爲。

依之。而任能。依身量亦無定限。若變化身。依變化土。謂成事智。大慈悲力。由昔所修利他無漏淨穢佛土。因緣成熟。隨未登地。有情所宜。化爲佛土。或淨或穢。或小或大。前後改轉。佛變化身。依之。而任能。依身量亦無定限。

亦依自土者。卽依他受用土也。謂平等下釋。變土因緣。由隨所宜。土有勝劣。身無定限。隨意願力。現起身土。故名變化。謂成事下釋。變土因緣。以變化身。及變化土。普利有情。均霑法界。故土有淨穢。身亦無定限。○五身上相依。竟下六身土同異。

自性身土一切如來同所證故體無差別自受用身及所依土雖一切佛各變不同而皆無邊不相障礙餘二身土隨諸如來所化有情有共不共所化共者同處同時諸佛各變爲身爲土形狀相似不相障礙展轉相雜爲增上緣令所化生自識變現謂於一土有一佛身爲現神通說法饒益於不共者唯一佛變諸有情類無始時來種性法念更相繫屬或多屬一或一屬多故所化生有共不共不余多佛又在世間各事劬勞實爲無益一佛能益一切生故

自性身土俱屬真如是諸如來同所證故佛地論

云法身實性一切如來皆共有故無有差別自受用下謂諸如來各別因緣各別身土雖變不同而諸佛土各各無邊不相妨礙餘二身土即他受用及變化身隨化有情共不共者義不定故是故如來底沙佛時曾與慈氏同爲第十佛觀釋迦所化有情善根先熟慈氏所化善根後熟又觀慈氏因行先滿釋迦後滿遂於一處入火光定令釋迦見七日七夜不下一足一頌讚歎令超慈氏在前成佛又佛將欲入涅槃時作如是言我所應度皆已度訖又契經說佛涅槃時觀一所化現在非想非

非想處當生此間應受佛化留一化身潛住此界
先所受身現入涅槃彼從非想非非想沒來生此
間佛所留化爲說妙法成阿羅漢爾時化身方沒
不現又諸經中處處宣說能化所化相屬決定是
故諸佛所化不共如實義者有共不共所化共者
下釋共變義令所化生自識變現者謂所當化生
各第八識有共相種故與諸佛互相變現雖於諸
佛各變身上而於有情謂於一土有一佛身爲現
神通說法饒益於不共者唯一佛變謂不共者唯
是一佛令所化生自識變現諸有情下總結二變

或多屬一者謂多衆生屬一佛化或一屬多者反
上故所化生有共不共者結成上義不尔者謂若
一向共一向不共之意故難云多佛久住世間各
事劬勞實爲無益何以故一佛能益一切生故佛
地論七卷有釋文繁不引○六身土同異竟下七
身土淨穢

此諸身土若淨若穢無漏識上所變現者同能變識
俱善無漏純善無漏因緣所生是道諦攝非苦集故
蘊等識相亦必皆同三法因緣雜引生故有漏識上
所變現者同能變識皆是有漏純從有漏因緣所生

是苦集攝非滅道故蘊等識相不必皆同一性因緣

雜引生故

無漏章中原是不以今改亦必者據佛地論無漏五蘊初必同無漏識也

佛地論云十地菩薩自心所變淨土有二若第八

識所變淨土是有漏識相分攝故是有漏身所依

處故雖無漏善力所資熏其相淨好而是有漏苦

諦所攝隨加行等所現亦亦若隨後得無漏心變

淨土影像是無漏識相分攝故從無漏善種子生

故體是無漏道諦所攝言蘊等者即無漏五蘊一

無漏淨戒名為戒蘊二無漏定名為定蘊三無漏

慧名為慧蘊四無漏勝解名解脫蘊五無漏正見

名解脫智見蘊前三是因後二是果五蘊法界一

切三乘功德所依通學無學無學圓滿戒定慧三

法因緣雜引生故學位分得戒定慧三隨用一性

所引生故擬佛地論一性雜引當作所引

蘊等同異類此應知不念應無五十二等然相分等

依識變現非如識性依他中實不念唯識理應不成

許識內境俱實有故或識相見等從緣生俱依他起

虛實如識唯言遣外不遮內境不念真如亦應非實

例前所說變身變土能所同異義類於此第八有漏所變身土亦是有漏後得無漏所變身土亦是

無漏。故言同也。第八所變不同。後得後得所變不同。第八故言異也。不念者。牒前一往所談。身土皆是隨機變現。若不變現。應無五蘊及十二處等者。等餘十八界故。然相下重釋假有。謂前化種身土相分依識變現。非如識性依他中實。依他卽蘊等。言化身土不如蘊等是實。不念者。謂若不以蘊等爲實。有唯識理應不成。何以故。許識內境俱實。有故。謂識與內境俱是實。有故。立唯識。或識下重釋依他起義。前說內境唯依相分釋。依他起。今兼見分。故云相見等。從緣生俱。依他起。虛實如識者見。

分是虛妄分別。相分是實有之境。二皆如識。故立唯識。唯言遣外者。謂遣外執離心有境者。立唯識言。不遮內境者。不遣內色實有之境。不念者。謂若不是不遮內境。真如亦應非實。何以故。以真如是根本智所緣。名內境故。○七身土淨穢竟。下八問答總結。

內境與識。旣全非虛。如何但言唯識非境。識唯內有。境亦通外。恐濫外故。但言唯識。或諸愚夫。迷執於境起煩惱業。生死沉淪。不解觀心勤求出離。衰愍彼故。說唯識言。令自觀心解脫生死。非謂內境如外都無。

或相分等皆識爲性。由熏習力似多分生。真如亦是識之實性。故除識性無別有法。此中識言亦攝心所。心與心所定相應故。

內境下。是問詞。謂心境俱實。何不言唯境識而言唯識耶。識唯下境亦通外者。不離於心。名爲內境。執離心有。名爲外境。境通內外。故立唯識不立唯境。或諸下。謂執境迷心。沉淪生死。觀心解脫。能證涅槃。令自觀心。故立唯識。非言唯識內境都無。或相分下。明相分真如皆不離識。謂內相分必以識爲體性。由熏習力。似外所執。多分生故。真如亦是

識之實性者。謂第八識依真如起。含藏雜染。故名爲識。故知若內若外。有爲無爲皆不離識。除識性外。無別有法。此中下。復明見分心所法等皆不離識。以全內外一切色心成唯識義。

此論三分成立唯識。是故說爲成唯識論。亦說此論名淨唯識。顯唯識理極明淨故。此本論名唯識三十。由三十頌顯唯識理。乃得圓滿非增減故。

釋論題名成唯識者。是以相分見分及自證分合。成唯識故。云三分合成名成唯識。此依事立事外。無理故說爲成。亦說下。謂復有名淨唯識者。顯唯

識理最極明淨名淨唯識此依理立理外無事故名爲淨謂此本論原爲天親菩薩撮取瑜伽要義成三十頌今此論文由三十頌顯示唯識道理於相於性若因若果是真是妄或假或實有爲無爲內外等法究竟成就故云乃得圓滿雖三十頌約此妙理理不爲減十卷論文演斯妙義義不爲增故云非增減故○八問答總結竟通上第二依教廣成分竟下第三釋結施願分

已依聖教及正理

分別唯識性相義

所獲功德施羣生

願共速登無上覺

已依聖教及正理者此是護法等菩薩依前所引聖教及比量正理也分別唯識性相義者謂依聖教正理分別解釋唯識理中若性若相之義所獲功德施羣生者謂此解釋唯識大義令諸有情悟入唯識性相妙理所獲功德實非淺淺以此深大功德盡施羣生願共速登無上覺者願諸有情或悟唯識妙理或寤唯識功勳速疾共證無上菩提耳

成唯識論俗詮卷第十終

若溪沈灌捐貲助刻
成唯識論俗詮八卷 至十卷

成唯識論俗詮後跋

昔漢法等菩薩相繼造論釋天親之頌道慈
氏之源也。至於嗚呼。錮居士秘藏待時而出
一。於付之慈恩大師。可謂得其人矣。而大師
子身冒險。馳於十萬里外。負法東歸。使
域中知有唯識之心。乃令人千載之下。想
見其汲汲求法之殷。猶昭著於心目間也。奈
曰。近世尚簡歇。於是舍此古置之不觀。遂令

斯宗絕響已久邇來海內靡不中興大都替
替相呼見闕訛替是有高原大師俗詮之所
以作也夫贊勝則理切于俚則解通以順俗言
詮唯淺義莫理契機使乎兩端故云俗詮
深有謂也愚昔遊心斯典窺其理趣幽玄
莫測蹊逕感去十九值大師開講於南屏詣
叩其名師出俗詮稿示之展讀再三前疑頓
釋時法宰官居士咸請授梓流通師心之曰

將待資於初學焉敢逞於大方如是則徒吾
於是非之場耳奈再為之請曰嘗謂楚歌
牧唱不無小補况師之一文一字皆聖之言
量也邪辭雖近俗義以載明果能行之則令
慈息荷負之有在玄鑑授受之不虛後法等
倡知之精神慈氏天親付漏之深意均茲再
造矣望小補哉師首肯之遂付剞劂氏
云

萬曆辛亥中秋旦武林後學大善和南書於
慧日峰下



成唯識論俗詮跋

釋尊有云三界唯心萬法唯識此十方如
來之妙旨一大藏乘之要詮也乃曼殊慈
氏受之爲性相宗爰及龍馬而玄風並振
降是分河樹幟不勝其時然所謂三界萬
法心之與性果同耶異耶蓋諸大士爲機
施設不得不然耳茲論自天親頌分三十
護法集其大成契師譯繁從要可謂雲收

大地日麗中天矣邇來根器口利傳言寥寥有大居士志類玄鑒乃請高原法師爲衆宣演隨講隨錄刻成師自命之曰俗詮蓋撥事照理合妄求真如來龜魚之誠去龍象不啻大千師今拈俗以代唯括義以歸詮非得是宗之肯綮烏能言此間分科析理之精大方自應風靡不慧天台學人也每於一色一香之肯綮了爲感龍猛旣

往不妨請覈斯詮云

三台後學傳如跋



